

萬

曆

疏

鈔

萬曆疏鈔卷十七

懲貪類

張應詔

貪虐大臣乞罷斥以警官邪疏

辛自修

御史貪肆不檢乞賜斥以肅風紀疏

錢一本

糾舉衙門不法以清憲體疏

章守誠

貪肆科臣乞究處以昭公論疏

李天麟

大貪漏網乞罷斥以警官

況上進

偽學盜臣乞顯斥以懲貪穢疏

歐陽東鳳

亟斥大貪以警官邪疏

陳嘉訓
倉暴撫臣不堪重地節鉞疏

萬曆疏鈔卷十七

懲貪類

貪虐大臣久干公議乞賜罷斥以警官邪疏

張應詔

貴州監察御史
萬曆十一年正月

臣惟皇上臨御以來惓惓以廉介肅吏治以節愛
倡庶官以忠盡勿欺飭內外諸臣邇者弘開言路起
用忠良斥逐奸黨一時大小臣工翕然稱清明奉法
惟謹矣乃大臣中猶有貪虐異常鑽刺冒濫爲公議
所不容如南京刑部尙書殷正茂與總督兩廣兵部

尚書陳瑞者尙可使一日居其位乎夫二人惡迹萬
狀臣不暇悉數以瀆天聽姑卽其昭彰在人耳目者
敬爲我 皇上陳之正茂先爲戶部尙書穢跡大著
且受同鄉奸人重賄將額派農桑絲絹挾勢欲洒派
鄰邑激變鄉民毀其坊墓幾成地方大患曾經御史
安九域論劾 皇上亦稔知其惡擯斥之矣緣與故
相張居正同年厚賄之故復朦朧起用爲兩廣總督
茂始履任他務未遑卽指稱犒賞軍士徧取郡邑官
錢大約不下百十萬令送賞功廳中軍官收貯任意

私用文設爲下程長單窮水陸之珍每一分折銀一
百兩凡屬官到任及陞遷俱令謁見各送折乾銀一
百兩段廣藝超類首千疋本官卽加優待各屬蒙其
獎者謝以百金始註上考以不及數卽賢者不能自
保大約每年數十萬計又造黃金大盆二個中植珊
瑚樹各一枝約高三尺許周圍鑲嵌珠寶所費不貲
又令屬邑網取天鰲織造絨段苛逼無辜小民登山
涉險或墮落深溝或衝冒瘴癘死者不下數百人方
織鰲絨數十疋裁又查知該布政司庫貯官珠一斗

三升指以上用俱私取來也又索取象牙造器求責
無也全省象牙爲之罷市後以金盆二個鶯絨八疋
及金玉幣帛珍奇等物共裝一百箱饋遺居正私宅
致謝恐收受不速又寄書損與游七爲之先容又將
鶯絨二疋損四十擡與馮保爲之固寵遂轉刑部尙
書夫茂何人斯處鄉則茂視國法貽害於一郡居官
則賄通權奸肆殘於三省以斯人而列上卿寧不爲
衆卿之玷乎乃若陳瑞之爲人又何異於茂也夫瑞
自筮仕到今習爲奔競其爲湖廣巡撫也指以饋送

居正爲名括取全省贖金不下數十餘萬至若求媚
居正以圖陞轉又全不顧體統不惜名節如巡撫爲
鄉官致奠烏紗角帶弔而不哭乃常禮也瑞往年爲
居正弔喪乃藏孝帽一頂於袖中入門卽加於冠帽
之上痛哭流涕是何體統見任官致禮於鄉宦之家
止可與鄉官相接安可求見其婦人瑞於弔喪畢卽
請見居正之母置之上坐瑞與居正侍坐時居正家
有一心腹內官姓何者在側居正母屬瑞曰陳公祖
看頃向官見瑞起答云只有向公公看顧得陳瑞陳

瑞安能看顧向公公其奴顏婢膝官常掃地天下共笑之及爲兩廣總督到任未及三月卽括取二省官銀八十餘萬置買金玉珠寶象牙珍奇等物以其半餽遺居正馮保半入私囊他如蛋夷錯居海上捕魚爲生非倭寇比也瑞乃誣稱作害妄殺無辜千人報捷邀功濫叨襲膺臣聞南中人言其慘狀爲之潛然出涕夫二臣貪虐之狀顯著如此久爲公論不容當此清時不加顯斥甚非所以警官邪而清仕路也伏望皇上大奮乾斷將殷正茂陳瑞亟行罷斥以爲

人臣貪虐者之戒別選賢能以充其任臣愚不勝倦
倦

疏鈔

徵實

四

御史貪肆不檢假公濟私乞賜斥以肅風紀疏

辛自脩

南京右都御史
萬曆十三年七月

臣等猥以淺陋謬長留臺深惟紀綱重地稱塞爲難
早夜兢兢矢與各道御史持廉秉公守正嫉邪爲東
南士民表率庶不負我國家南北兩臺糾察竝重之
義乃自到任以來側聞人言嘖嘖謂巡視下江御史
沈汝梁受詞太多罰贖太重餽送太濫者臣諦視觀
其人恂恂謹飭意謂道路傳言必無此事未幾汝梁
以出巡辭臣面詢所行事宜又首以刑罰之言相

告冀其默喻而改圖也乃數月後物議愈多轉相傳
笑有謂其將赦前事改爲赦後事仍科罪贖者有謂
其罪外罰銀至一百兩者有謂其將無力改爲有力
務追贖銀者有謂其各處贓罰每日三五起無虛日
者臣至是重有所疑然亦未敢遽以爲真也至本年
六月間忽聞其將各府州縣贓罰銀兩假以餽送爲
名盡取入京臣不勝駭異旣而僉都御史蕭崇業陞
自南京太僕寺少卿到任後乃稍稍語臣云崇業與
沈御史向無交往今贓罰簿內有送太僕寺禮銀若

千兩真希詫事若不申本院幾爲所誣臣聞此語隨
取簿一觀查得儀真縣一項爲禮儀事沈御史票取
犯人楊印等共銀一百二十四兩送南京太常寺禮
銀三十五兩國子監禮銀四十四兩光祿寺禮銀三
十兩太僕寺禮銀十五兩各致敬訖又二項爲禮儀
事取犯人劉榮等銀三十五兩打造金花送賀鄉宦
訖又一項爲公務事取犯人于可教等銀三十兩解
送上元縣訖又於清江縣簿內查出一項爲公務事
沈御史票取犯人曹鳳齡等銀一百七十兩解上元

縣補庫訖又一項爲禮儀事取銀四十五兩送南京
兵部刑部等衙門公禮訖續又於松江常州鎮江三
府丹陽一縣簿內查出本官取解江寧縣銀四百四
十餘兩取送禮儀銀七百三十餘兩中間以鄉宦開
列者纔十之三四而以在京各衙門開列者乃十之
六七臣再四緝閱諸簿錯愕不知所謂夫兩京清議
素重邇來禁例更嚴雖下程之餽亦且不行安有以
公帑贖金私相授受之理因而問之太常太常果無
也訪之各衙門各衙門俱無也推此以例在京衙門

其無可知又推此以例打金花解上江等項者其何

可據以爲憑乎

臣

等殆不能爲汝梁解矣方今

聖

明在上留心節約頃之又以亢旱爲災多方裁省卽使禮所當行于時尚在可已而況假餽遺之濫觴以實貪鄙之私橐乎卽三府三縣而諸屬之未經查覈者可類見矣卽其借兩京各衙門見任名色以濟其私而推之無所質証之鄉官過客又可類見矣爲汝梁者臣等不知其是誠何心也臣等與本官義同一體方以道德相望而乃自壞名檢如此又安敢曲爲

掩護以重憲臺之累哉。處理法合當參究參照巡視下江南京廣西道監察御史沈汝梁質本優柔才實庸闇括贖鍰以收縣庫不避瓜李之嫌假縉紳以蓋貪囊大縱豁壑之愆公論共譁其染指官聯深愧於澄清此一臣者所當罷斥以儆官邪者也。伏乞勅下吏部再加詢訪如果臣等所言不謬將沈汝梁亟賜罷斥使貪鄙之人不得久玷清秩而凡臺憲諸臣錚錚皎皎者各得以自見而不爲所累矣。

敬循職掌糾舉衙門不法以清憲體疏

錢一本

福建道監察御史
萬曆十八年正月

臣查大明會典一款凡都察院按察司堂上官及首

守領官各道監察御史吏典但有不公不法及曠職

廢事貪淫暴橫者許互相糾舉毋得徇私容蔽欽此

臣一介草茅荷蒙 臣皇上拔 臣御史試職理刑伏思

臣職之所當試自治爲大本衙門爲先本衙門內御

史遭逢 聖明孰不恪修職業濟濟班行不意有一

不法御史曰祝大舟大爲衙門之玷衆不能容 三有

所試苟徇私容蔽不爲糾舉卽不法在

臣

將安所

逃罪

臣

據實糾舉敬爲我

皇上陳之大舟于萬曆

十六年巡按江西該省正罹重災

臣

時奉旨免覲留

任廬陵于本年十二月二十四日聞大舟出巡行至

峽江計羽朝聞神符夕發急遣一差于本月二十五

日至吉安曰魏恩支取庫銀凡一千二百三十九兩

又遣二差過吉安南走贛州曰陳天瑞支取庫銀凡

一千一百五十四兩四錢北走袁州曰劉漢臣支取

庫銀凡八百四十兩差人領至省城舟次以袁州府

庫盡取無存發回二百四十二兩實收五百九十八兩已而問之臨江于本月二十六日奉到一單府庫贓銀凡三百六十四兩悉取之入舟去矣以上連竝四府一時共取三千三百五十五兩四錢差承解更星夜疾馳夫馬人舟水陸竝進贓跡顯著道路昭彰臣得耳目熟之閱其單不稱謝禮卽稱賀禮言賀言謝于苦塊哀疚之初能忍心乎稽其數或一百兩或八十兩交際不可以已顧如此恭乎陝西廣西等邊遠地方一時而通數十處豈不行而至乎效勞吏李

燦等三四人一單而開賞三百一十九兩其泥沙乎
借饋遺爲囊橐猶可欺于人也冒賞賜爲苞苴不可
對彼吏也江省災黎忍饑縮腹嗷嗷升斗之需御史
之來發篋探囊不勝大舟以載前之所取特府之四
耳聞南昌府庫一用且至二千三百六十有餘他府
可保其無耶前所言亦府而止耳聞南昌縣庫銀盡
不勝其求而且繼之以穀他州縣又保其無耶臣切
耻之痛之無能越俎爲我皇上一言之今臣有言
責矣又將以衙門體面之故遂隱忍於心緘結其口

避同官一人之怨罔臣陛下三尺之法臣之所大懼

也臣嘗莊誦互相糾舉之文備列於風憲衙門以糾
劾之權既重則恣肆之私易逞一有逞私者廁其間
或以糾劾人者而糾劾于人之不暇則衙門褻而朝
廷輕故特許以自糾自清誠重其權全其體也自糾
舉之章鮮露于衙門遂致流于阿比稔爲貪饕前有
沈汝梁今有祝太鼎其汙穢風紀而決裂綱維南北
臺俱蒙耻聲不法甚矣夫汝梁一經發覺江南列郡
終鮮剝膚如解倒懸曾幾何時太舟再出江西一空

以流俗靡靡或不盡然發覺之所爲不思貪墨汙穢
弗慎幾微寧防延熾弗嚴標本安挽末流幾微之慎
先於互糾標本之嚴詳于自治庶幾衙門有直繩則
以彈百司而無不直御史爲清源將以澄天下而無
不清耳或以徇私望臣爲長厚互糾病臣爲刻苛發
舊日之上官挑異時之隱禍憂臣爲不免皆臣之所
不敢聞但使衙門之內亂苗之一莠悉除盈畝之嘉
禾竝秀白簡稜稜鐵面洲洲憲體從此愈清朝廷少
有增重天下人心必有竦厲則臣愚區區狗馬一念

所當竭盡底蘊以爲我 皇上告者也伏惟 聖明
裁斷

貪肆科臣罪狀彰露乞賜究處以昭公論疏

章守誠

南京福建道御史
萬曆十九年八月

竊照萬曆十七年浙直諸郡縣旱災爲殃民不堪命
特蒙我 皇上允部議發帑金勅遣科臣楊文舉督
理荒政賑濟災民德意甚殷殷厚也乃文舉貪肆不
檢罔上行私不能奉宣德意以負 皇上任使近該
南京禮部祠祭司主事湯顯祖南京湖廣道御史李
用中相繼疏劾雖蒙 皇上留中而未嘗不是其說
臣似無容贅矣但文舉事情業奉 聖旨付之公論

而文舉強詞肆辯若二臣所論不實且得從容請告以去是公論猶未明也臣不及今列其罪狀使昭昭耳目一二年後又將以都給事中病痊起家方是時能保公論之必明耶臣惜顯祖等之疏尙未盡文舉之罪除淫穢瑣屑不敢溷瀆聖德外謹據公論不容之大者爲 皇上陳之夫文舉銜命救荒儻能仰體德意一出國門便當減省騶從以示儉約先聲臣自十七年九月行取進京路遇文舉見其旗幟蔽空鼓吹動地前後導擁數十騎夾道奔走百餘人無論其

違犯驛遞明禁人已謂誨侈招賂之張本矣公論不容者一及至徐州條陳驛夫之苦該本部議覆又奉明旨申飭加嚴矣乃自丹陽見金壇戲子一班聲色快意凡歷浙直諸縣必携其行所至需求夫馬口糧不勝其擾夫自言而自犯之亦何足詫奈何視明旨若弁髦也公論不容者二禁止迎送載在令甲猶未聞有宴也文舉郊迎有宴率自二三十里用大紅絲紬四五十疋搭蓋棚廠設樂治具窮極靡麗文舉於郭門外倘佯宴樂曾一問溝中之瘠乎一聽愁歎之

聲乎公論不容者三駐劄處所司道府縣又皆有宴
每宴折席銀一百兩金花彩幣臺盞其數稱是其未
經行之處差人送席彼此合式有隆無殺計浙直幾
司道幾郡縣則知文舉所幾得萬金司道有自省中
出者歎謂臺省同事地方今省中廉隅掃地大爲臺
中所笑公論不容者四蘇州各縣官相約以二百金
爲贐內一縣負約而倍之崇明知縣沈一德以鄉科
不得與約任未半年遂被論劾夫一德信無吏才也
贐禮各縣皆有崇明獨無文舉能自欺乎卽蘓州而

他府可知已公論不容者五凌應玄以人命遣戍奉
有明旨處分豈容擅贖儻文舉果無關節宜直駁
其不當議贖之情而乃區區較量於五百石之多寡
豈應玄所少者穀也非千金之受不至是也多多益
善蓋文舉自爲地耳公論不容者六事完造冊駐劄
金壇所得私贓數萬金悉以寄之該縣乃云自金壇
起馬進京正臺損八九臺此文舉招贖公案也將誰
欺也公論不容者七達視所舉自古記之臣考大明
會典連坐舉主爲法甚嚴今吳縣周應鰲錢塘縣江

鍾岷非文舉所荐第一第二者乎荐未一年而各以
賊敗欲盡誣之司道是文舉爲贅疣也律以祖宗
之法又將安所逃罪公論不容者八其最可恨者每
過元輔申時行門必下轎急趨而過夫過門則下此
何禮也惟皇上大明門則然東西華門則然元輔
卽喜諛媚豈敢以事皇上之體望承奉之人而文
舉乃敢爲之是可忍也孰不可忍也且青天白日之
下通衢廣衆之中而不顧廉耻至此則昏夜乞哀其
無耻又當何如矣公論不容者九迨其復命有識者

皆謂宜發重譴乃戶部尙書石星奏叙勛勞泯滅公
論遂至躡陞吏科都給事中夫以省掖之臣奉 皇
上選擇之使齎內帑四十萬之金收百萬萬朝不保
夕之民命而貪肆若此重賞若此尙謂有國是乎以
是而責有司之愛民猶建曲木而求影之直也公論
不容者十臣請以文舉救荒事譬之市肆 皇上勅
書若爲文舉立招牌 皇上帑金若爲文舉發資本
浙直災民皆文舉魚肉而金壇則其外府也文舉罪
狀彰彰如是而猶得偃然稱病優游林泉旣飽其谿

壑之欲又遂其壅斷之心於文舉身謀則得矣如國
法何如公論何夫臣以言官攻言官豈不知傷同類
而犯衆怒然言之則傷同類其罪小不言則欺君父
其罪大所以反覆再思輟而復起愛憎榮辱皆非所
計也儻蒙 皇上勅下吏部如果臣言不謬亟將楊
文舉從重究處以爲奉使不忠者之戒庶幾公論昭
明而言路亦因以重矣伏乞 聖明裁察

大貪漏網公論難容乞賜罷斥以警官邪疏

李天麟

河南道監察御史
萬曆二十年正月

臣竊以爲在外之事權莫重於撫按矣撫按而賢也
卽百司莫不精白以承休然按臣而賢也卽撫臣之
不飭者亦可望其回心而向道故風憲官犯賊律特
重之而近日一二撫按貪汙皇上旣已赫然震怒
究懲一時人心頗覺振肅自檢矣乃猶有大貪漏網
如大理寺寺丞蘓鄮者可容使之一日玷列縉紳哉
臣請得爲皇正陳之謹按蘓鄮本一庸邪小人惟

知蠅營狗苟之謀一味肥家盡是虎噬狼貪之狀其附權門而倖入臺中也卽囑得巡關一差又且接管二次其濫取贖鍰漁獵武官之賄賂盖不可以巨萬計矣然莫甚於雲南之一差當其按治雲南也以天高而帝遠遂苞苴之肆行舉臣所聞者而言之如雲南永昌府知府趙景柱貪酷異常知鄧之垂涎也將老庫所藏珠寶金銀琥珀之類共八百兩有奇盡數搜出餽送又送金絲銀絲盃盤金盆等物而景柱遂安然無恙矣如昆明知縣宋鏗聞憂三月餘未離任

鄮知之也牌仰雲南府推官任慙查究宋鏗賂金帽
一頂爲紗帽樣黑漆其外紅紗爲套送進卽免矣如
委推官任慙掌昆明縣印卽行牌仰任慙造青銅鏡
三百面任慙盛金一百兩在盆內上覆以大青銅鏡
一面手本開拆青銅鏡金一百兩送進閱時則曰此
官可用令收入矣如推官甘士元掌府印被趙葵開
單具告士元於鄮鄮堂不准其狀暗將趙葵狀付推
官任慙密查任慙與士元有親陰洩其機甘士元卽
以金五十兩銀三百兩金帶二條差施騰蛟陳子忠

於通海縣同下程內送進卽時答副啓一通云永昌
事將借重公矣民間嘖嘖言之後迤東巡畢卽牌仰
甘士元查盤永昌一時人皆笑曰甘公失之按院償
之永昌矣如雲南縣知縣揭廷諫賂金一百兩卽特
荐調~~發~~昆明縣以後凡各府州縣送金銀俱送揭廷
諫收貯轉送其各處不過投一文書耳如牌仰指揮
王磐石造青銅簪五把王磐石以金箸五把進嘉其
有能帶爲隨用官如牌仰臨安府知府金節備犀角
五十隻象牙五百觔西陽布五十疋金知府一向未

報因陳淳告暗撤文卷事又因推官任慙查盤臨安府與指揮楊本芳等十餘人那移錢糧一節呈報於鄮鄮卽批云視庫藏如私家玩法紀如弁髦無如該府之甚者也仰李同知查實速報金知府卽以犀角三十隻象牙三百斤西陽布三十疋仍加折各色金三十兩解送昆明縣揭廷諫收貯令吏施騰蛟以文書投覽如牌仰鶴慶府知府桑橘初造真正黃銅盆一面桑知府以金盆進鄮卽云此盆樣雖俊但小些可造飯盃十個補之後桑知府果以十金盃送進如

石屏州知州馮應麟因打死鄉官何繪之叔具告鄧
雖將狀批臨安府仍行牌取真正黃銅香爐一座後
馮知州以金香爐進卽免此據臣一人所聞者如此
其臣之所未聞者殆不可以數計也若至滇時將各
府所產貨物名色錄爲書本凡有取用皆照書本取
之若寶石瑪瑙盃琥珀盃掠取之永昌府犀角盃太
極丸取之元江府掌印指揮等類未有一州府一縣
官得免其取者也而至今牌檄猶存矣且其奸貪最
巧凡見各官之稍不肖者卽令買製物貨如物中無

金卽將此物明白退斥或退堂碎毀令人傳之雲南
自來多貪吏見鄮志向舉動若此而金遂夾帶於物
中源源而進矣以故雲南俗語名曰蘓唐僧謂唐僧
取經而蘓鄮取金耳又有得金十石之誑以此觀之
旣以暗肆賄賂又復公行收取則十石之誑諒亦非
誣也最可恨者如雲南姜知府行牌取金三百兩未
報卽以他事行牌厲責之姜知府造金香爐一付果
盆二枚送進自思金價係數任所積一旦遂空因而
成疾抱恨而死滇人爲之流涕又如太和知縣潘良

期行牌取圍棋潘知縣送瑪瑙圍棋一副聞其碎毀也卽以金爲黃圍棋銀爲白圍棋造成送進盒外書圍棋籤於上已收訖忽一日與蕭軍門飲酒令門子取圍棋下門子不知取出金銀圍棋二盒當時開盒乃金銀也自愧因借當堂解紙贖銀一事遂行拿問可憐潘知縣哭天無路矣臣竊計之如祝大舟秦耀亦云貪甚矣然猶假交際以入私囊猶在去在之際而所取者銀也蘇鄴則公行賄賂取自各官猶鼠同眠卽在按臨之時而所取者金也以此較彼孰輕孰

重當必有辨也嗚呼有臣如此何殊一盜跖尙令堂
堂卿寺王法何在公論何在不亦辱朝廷而羞士大
夫哉且臣歷觀按臣之操持無不知自愛以負朝廷
任使乃近年有祝大舟一人士論切齒以爲西臺之
玷而孰意猶有不肖之尤者如蘇鄴反得倖轉而列
崇華臣亦烏容默默而無言耶夫言官以風聞言事
乃臣之所言者衆口所譚俱有指據似非風聞之誤
言官以糾邪爲職乃臣之所糾者出自公論輿情咸
憤毫無纖介之嫌伏乞勅下吏部再加查訪如果臣

言不謬將蘇鄴亟請罷黜施行庶貪吏咸知警懲而
吏治日見其振飭矣

偽學盜臣廉耻掃地乞賜顯斥以懲貪穢疏

況上進

廣東道監察御史
萬曆二十五年七月

臣聞義利爲學之關頭廉耻士人之大節故臨財有
苟得之戒有道羞無故之獲正不欲以厚利易吾完
名也此在鄉黨自好者且勉焉而況素冒道學之名
其必能屋漏自盟鬼神獨鑒金穴不顧一介不取當
何如者而今則大謬不然此行濁言清偽學之所以
可惡而衣冠盜賊清議其孰容之臣前見東廠一本
爲訪獲事中稱霍文炳有房二區埋銀數萬兩於炕

底鄒四與王良材同其共分之臣不勝駭愕又聞人
言嘖嘖謂鄒四者卽見佳司經局洗馬鄒德溥四山
其別號鄒四蓋諱言之也臣又不勝駭愕夫德溥者
非世俗所宗聚徒講學君子卽臣雖不識其面亦嘗
竊慕其名不獨以文章命世抑且以理學傳家望之
深者或以聖賢路上人期之卽淺者亦以公輔器許
之豈其於彼糞土之長物尙不勉動念於此義利之
粗迹猶未嘗究心乎臣且信且疑再三諮訪始知霍
文炳房坐落明照坊埋厝銀二萬五千餘兩王良材

得於瓦匠趙三之口商之德溥蓋趙三之妻爲良材
家乳母而良材素從德溥講學故也諸凡賃房皆出
德溥之謀分銀皆經德溥之手彼夏龍所首東廠所
鞠霍文炳所招皆一一不誣嗟夫德溥何盡喪生平
一至是乎德溥爲江西人吉州又多節義士且其曾
掇巍科備員詞館又爲先臣鄒守益之孫鄒善之子
世受國恩職專講幄遭逢不偶砥礪當嚴何爲欺世
亂俗假講學以博名高令觀聽者浮慕薰心其究至
於聚徒爲盜翛然似寡慾而行同市井偃僂似退遜

而心甚穿窬下而與興隸厮役持籌縷美分折奇贏
白日攫金國門禦貨吏治士風掃地盡矣貽羞禁苑
大負科名隕墮家聲得罪名教其亦何顏對妻孥之
面歸節義之鄉復上祖宗之丘壠此固無待人之鳴
鼓以攻操戈以逐卽自經於溝瀆投屍於魍魎亦已
晚矣而猶然爲乞病之舉將誰欺乎豈以人寂無一
言而思圖日後計乎前事原屬臣中城地方臣欲言
而羞澁恐汗吾曰簡耳夫禁莫急於僞學蠹世法莫
先於黜墨懲貪如德溥之僞學盜臣正清明之世所

不容而王法之所不貸者伏乞 皇上洞察將德薄
追贓完日速行罷斥以爲僞學貪吏之戒庶世道士
風猶不至於大壞極弊而今日之所以戒諭百官者
亦無先於此矣

亟斥太貪以儆官邪疏

歐陽東鳳

南京刑部主事
萬曆二十六年七月

臣惟生民之元惡而國憲所必誅者莫大于貪酷
酷者多刻厲險峻之夫其招怨取禍也恒易卽有漏
網不過千百之一二惟世有貪夫乾沒其心而脂韋
其迹又往往挾其禦之之貨以媚權勢遂使千人之
詛不能勝一人之譽顯名厚實偃然有之安如泰山
此臣所日夜痛心切齒不願與此輩竝立於聖明
之朝者也臣請言其最者則有南京國子監祭酒馮

夢禎則有兩廣總督陳大科夫夢禎始以險躁被斥
胡然而驟躋清華太科本一寒蟬給事胡然而濫竽
卿貳蓋俱以掃相臣之門得之斯都人士所共聞也
爲二臣者雖曰省頗忍移行而重自洗濯猶恐不足
以贖前愆咎 上寵而厭士大夫之心奈何馮夢禎
之祭酒南雍也作人罔效貪縱日聞有謂其五十誕
辰而監生之筐篚盈廷者有謂其侵沒監中乾魚等
銀不下數千金者有謂其妬黃司業之清修而面交
背毀者有謂其侵司業之職掌視援例爲奇貨每名

索銷監規銀三兩八錢者有謂其淫狎美監生胡良
臣者有謂其早年不檢至今舊妓尚暮入衙門說事
過錢者諸凡穢德誼傳道路以斯人而坐臯比臨諸
生又何怪乎南監諸生之猖狂自恣日甚一日也乃
若陳大科更有可鄙者往年臣令興化業已稔聞其
人良田美宅甲於江之南北猶然貪利無厭暴橫閭
里善持郡縣之短長始而揭害張知州旣而傾陷蔡
知縣臣切心薄之及其督撫兩廣也臣遇宦于廣者
問大科近日何以則有謂其美妾佳妓近于百人簾

鼓之聲徹於街衢者有謂其叅遊節儀動至數百金
一一收受而府道竊嘆者有謂其郡縣贖銀搜括一
空盡入私囊者有謂其收罷閑將官千金特疏起用
致科臣叅止徇情賊不還而侯總兵欲剽外其冒者
有謂其貪聲大著恐前任按臣叅論雖裏衣亦自衙
中製送按臣鄙而麾出者謂凡劣狀臣不能悉記大
都嗜利如飢寒無鮮耻督臣之體掃地盡矣以斯人
而立于守令監司之上賢者無所恃以爲善不肖者
有所憑藉以無恐又安望其澄清一方貪墨解綬也

臣於二臣非有宿忿臣誠節振鄉評以符官跡援公
論以叅獨聞知之最真臣口雖欲三緘而臣心終不
肯但已蓋剛腸嫉惡固臣之褊心而好善惡惡亦人
之同心焉可誣也 聖明在御賞罰大明乃大貪如
二臣臣既已知之復隱忍不言誠恐一日事柄在手
呼朋引類爲貪夫立讎其貽禍天下非眇少也故臣
不得已而訟言于朝臣極知二臣筆鋒足以殺人氣
焰足以撼動人臣亦不敢望臣言之必行惟願 皇
上勅下部院科道諸臣細訪而公評之如果臣言不

謬速加三禡俾天下之爲貪夫者懼而後論臣越俎
之罪倘得豺虎之屏迹雖伏斧鑕亦何恨而至于二
臣之反噬又其小者耳惟臣聖明垂察焉

貪暴撫臣不堪重地節鉞乞罷斥以快公論疏

陳嘉訓

南京吏科給事中
萬曆三十三年十月

竊惟宇內生民之休戚係之于吏治而撫臣則尤吏治之綱也故提其綱則目舉謹擇大吏則屬吏自清未有巡撫匪人而監司守令尚可望其表率而澄清者況今天下沿海之地閩浙尤爲喫緊防倭備盜安內攘外皆其職掌徒取庸劣充位已不堪負乘之憂至于咆哮憑凌浚削膏血嗷嗷黎元怨之若寇讐避之如湯火者可令其一日居于民上以釀成無窮之

釁哉

臣

謹按浙江巡撫尹應元善狀無聞穢跡彰著

業已久掛彈章無容復贅祇因新推之命未下故建
牙之任如故而孰意其被拾以後又有日甚一日者
一將舉劾之說以哄有司而不肖者實緣納賄鄉官
顧爾行等之騁局大張又借舉劾之權以恐誘武弁
而潰帥之納餽者何止數千總兵李承勛之歛送可
據取刻絲圍屏至三十副豈誇乎金谷之勝取二十
一史至三十部奚言乎五車之多鄞縣全翰林入拜
以爲貴要同鄉用四將官歛改銀一千二百兩何其

媚也中書審廷主買官避罪則私自交通受其玉盃金幣曲爲庇護何其汚也最可鄙者假政府之書以揚言于外云新中丞雖推未必得旨吾據此位尚可專制幾年吾操此權尚可舉刺將吏蓋巡撫金學會行之閩中之故事也嗟嗟前之已誤豈可再誤是

皇上留中不下之舉祇足供奸貪剝噬之資此一臣者守已喪其廉隅行有同于市井譬如逐臭之蠅不擊則不去者也臣又聞福建巡撫徐學聚代爪幾何怨聲叢起初任本省布政乘先推撫臣王恩民之被

論也多方打點曲爲聚斂以媚要津遂蒙推用是
皇上但知點用由已而不知有爲之地也到任之始
卽聽堪輿王志山 改軍門折毀民居數百半不給
價小民之蕩析何堪楠杉至數千兩役夫匠至數千
人壯麗連雲恢宏蔽日園臺池館之勝徒爲快心寓
目之資乃匠石則枵腹而與匠人商則指價而同訴
致工商之怨罵載道一信推官阮自華爲腹心批詞
每罰數百半入私囊半解軍門署印三年任其淫縱
貪穢而不知問可謂徇私罔公矣任遊擊楊洪震爲

入幕進見卽爲留茶凡衙役之頂替將官之營求皆其過送是乃瓜李不避矣需索陞任縣官託追軍餉銀入則答以名帖彼此心知陵轢所轄三司氣焰薰灼至人人各懷不平益加恣肆且一月之間而叙功之疏兩至正疑以爲何文德不兢而武功疊至也及詢之閩士人吳建之事官兵殺人近千匿不以報止以功叙是妄殺平民以爲功也紅毛番之役彼以一舡來求互市遠迫彭湖各道業已攔阻使不入港一矢不加何功可叙是貪天功爲己力也蓋始則剝民

膏以獵尊官既及假官威以償前賄是以民間愁歎
共興不詳之謠軍士離心幾有脫巾之變有臣如此
八閩之間其無幸乎叅照浙江巡撫尹應元貪得無
厭昵比爲奸藉錢神而不顧人唾罵先時之彈墨尤
新福建巡撫徐學聚烽蠶可畏橫暴有加憑虐焰而
縱吸民脂膏海濱之動搖足愿伏願 皇上留心吏
治于前浙江巡撫數人欽點一員速其到任交代于
臣所論學聚事情勅下部院一一從公勘議若果
言不謬亦祈早賜施行至于准用之時尤願 皇上

內外間點用示不測以絕覬覦而又稍更保留之局面使賢者亟用而不肖者速去則今澄清天下一大機括也

萬曆疏鈔卷十八

發奸類

劉臺 懇乞聖明節收輔臣權勢疏

楊 追論權奸欺君誤國疏

曾乾亨 奸險大臣蔑視公論疏

孫維先 奸臣黨權誣陷言官疏

李植 大臣朋奸黨逆誣上欺君疏

萬國欽 大臣互黨誤國欺君致遺虜患疏

劉應秋 申飭輔臣戒欺罔倡忠直疏

李琯 權奸植黨壅蔽欺君疏

黃正賓 皇儲冊立尙虛輔臣奸計可據疏

羅大紘 險臣私搆欺君蓄心叵測疏

安希范 輔臣假托威權縱奸回逐異已疏

樂元聲 聖削奸臣以圖太平疏

劉元珍 國事紛紜權奸煽弄疏

龐時雍 奸佞首揆大肆欺罔誤君誤國疏

朱吾弼 權奸可畏忠直當原疏

宋 燾 軍政漏網神汗乞賜顯斥疏

陳嘉訓

奸輔希留謹列亂政誤國之狀疏

鄭振先

直發古今第一權奸疏

史學遷

大寃未剖盡言以明奸賊弄權疏

劉策

權奸漏網疏

萬曆疏鈔卷十八

發奸類

懇乞聖明節收輔臣權勢疏

劉

嘉靖江寧監察御史
萬曆四年正月

臣以一介早蒙先帝聖恩備員刑部主事荷蒙

皇上聖恩選臣今職命按全遼代任以來竭臣之愚

知無不爲撫臣之謬言無不盡頃者平虜之捷臣以

地近沙場情出周章其所奏報徒知紆臣陛下宵旰

之憂而事體實未諳練其所條陳徒知切邊民朝夕

之急而措置頓覺失序但節查按臣例不居功亦例
無纖毫陞賞故敢循襲舊案倉卒馳奏過蒙 陛下
天覆地載不惟不責備臣且論功行賞大小輕重多
出臣奏內事理全鎮官軍感激 陛下厚恩人人勇
氣百倍臣行罪地方榮踰百朋每臨餐撫枕冀圖報
稱媿少寡問學中乏涵養愚昧不知所出近行各司
道等官議復舊遼陽城以利千萬世之藩籬講求通
山東運以疏千萬人之命脉彼是此非尙無定畫靜
言思之其本不在乎邊鄙而在乎朝廷朝廷者四方

之極也 祖宗之法制又朝廷之極也善治天下者

法 祖宗之法而已 祖宗之法其圖畫也深其更

歷也久其服習而遵行之也可不愆而不忘君人者

舍此無以致太平臣人者舍此無以佐君德今 陛

下之天下 祖宗之天下也 陛下之位 祖宗之

位也大小臣工之爵祿 祖宗之爵祿也百千萬年

聖子神孫大小臣工亦惟遵守 祖宗之法制以計

安 祖宗百千萬年之天下而已 臣敢不避斧鉞披

瀝肝膽冒昧請死申明 祖宗以來之制於 陛下

前伏望 陛下鑒前慮後大奮乾剛節收閣臣權勢
以治安萬世焉臣聞進言者皆曰望 陛下以堯舜
禹湯文武之德而不聞責輔臣以臯夔伊傅之業何
者 陛下有納諫之聖輔臣無容言之實 陛下有
萬物一體之心輔臣無天下一家之慮也夫輔臣之
據高位握大柄威福顛指勢傾中外未嘗一人敢異
言其作威作福亦未嘗一人敢明言其作威作福及
其威福敗露理勢反極當此之時有大奸雄意而收
代之嗾一二希名寵竊祿位之人偶中而逐斥焉然

後其親戚其里閭其遊仕省郡其門生屬吏與前希寵竊祿之人抵掌相慶若更天然每一條陳則曰前者之過也每一題覆則曰前者之過也才露者壯頌壯頌者其惡易見機深者入骨入骨者其罪難察難察者歷年多易見者歷年少少者二三年多者十餘年十餘年者壞 祖宗十餘年之制二三年者壞

祖宗二三年之制彼其視天下大事若奕基然忠臣義士每每扼腕嘆息卒未能起而救焉者 祖宗之法不申明於後世也 謹按 太祖高皇帝鑒前代

之失周萬世之慮不設丞相事隸部院當時勢不輒
攝而職易稱成祖文皇帝始置內閣叅預機密大
事當時擬議於內者官階未峻則無專擅之萌幹理
於外者職掌未定則無總攬之弊二百年來其間遵
守祖宗之法者固多而擅作威福之權者亦有彼
其作威作福也猶恐人之譏其後也尙惴惴然避宰
相之名而不敢當何者以祖宗之法在也自內閣
大學士張居正專政以來每每自道必曰吾相天下
何事不可作止何人不可進退大小臣工內外遠近

非畏其威則懷其德夫其進退人也威福人也宰相
之實也而曰吾相天下焉非宰相之名乎 祖宗之
法應如是否耶 臣嘗私憂過計本朝萬世後禍必深
於置丞相蓋不置丞相君權不移下無其名而亦無
其實至盛爭也今攬權若此居其實不避其名又若
此寧不所失之哉古者丞相一有差失諫官爭之猶
曰與丞相府爭也今者輔臣一有差失無問大小咸
舉而歸之天子如是而諫官爭之耶輔臣必曰是與
天子爭也人臣而與天子爭其罪若何哉居正自大

學士高拱遂去後擅威福者三四年矣每一聞諫官
微言婉辭稍侵及之必曰吾奉天子守祖宗法若
等安得爲是狂直耶夫居正不知祖宗之法臣不
敢言也居正而知祖宗法也臣請以祖宗之法
正之祖宗朝進退大臣俱得如禮先帝臨崩居正
假托疾病斥逐大學士高拱不許停留旦夕夫拱誠
作威作福人也有宰相之實也臣任主事時欲疏劾
之凡三焚稿恐冒出位然其人露才壯頰臣不直之
久矣但宋臣朱熹惡留揆特旨批逐則曰進退大臣

亦當如禮居正安然爲之可乎雖然此猶可言也往
者王大臣獄興誣連高拱夫拱擅則有矣逆未聞也
公議籍籍不平密爲書令拱切勿驚死恐已負殺大
臣名夫逐之誣之宰相威也已而私書安之宰相福
也 祖宗之法若是乎 祖宗朝非開國元勳生不
公死不王王天子禮也成國公朱希忠雖云清謹實
乏奇功三尺童子皆知其不當王也居正重違祖制
許以贈王給事中陳吾德一言而外補郎中陳有言
一爭而逼去京師囂然有如聚訟夫孔子重子繁纓

嘆曰惜也多予之邑至使朱氏福極生災寵盛被譴
遺天下口舌臣恐公侯之家廣積厚施緣例陳乞國
家將止之乎否也止之則利賄者執前議持經者被
顯禍 祖宗之法若是乎 祖宗朝用大學士廷推
之用吏部尚書許推在廷歷過部院有聲望大臣或
已致仕素重海內大臣今用大學士張四維果廷推
乎抑居正私薦乎古者用人或以枚卜或以耕釣用
之者若不甚擇而見用者不負所用何者其素所不
屑者足信也數百年來輔臣有已入閣而被論指者

不聞有未入閣而被論指者也緣翰林館臣不當事
任易養聲望以不當事之人而猶多可論指則當事
又可知矣以易養聲望之地而猶不協輿情則據利
器以威福人時又可知矣四維之始去何如也謀入
閣也繼起再去何如也不堪教習庶吉士也事語具
給事中張楚城等奏內臣不必贊也臣聞宋臣有言
賢者不悲其身之死而憂其國之衰急薦賢也四維
起時聞有言於居正者曰此人不可引贊密勿居正
白何以知不可乎曰外論不喜者甚衆則當其時居

正未嘗不知矣知之而顧用之無亦以四維有機權
多藉庇忍作威作福人彼其親老旦暮突有不測二
三年間謀起復任四維其身後託乎若四維者臣言
不驗猶可言也臣言而驗焉謂天下何吏部尚書張
瀚筮仕三十四年臣不聞一善狀但聞在陝受左布
政使李敏德銀一千五百兩酒器一損敏德遣家人
李明同承差送瀚納之許以首列全省保薦敏德緣
係王親日希內召及見無保本名氣恨身死但牽其
幼子手書張瀚者三全陝士大夫共相傳笑其他取

常例索保舉謝禮等事猶醜言之及其驟躐太宰俛
俛唯唯若簿吏然今日有一缺則乘轎至朝房請命
居正然後具本上之居正所指授上請者非楚人親
戚知識則親識中之援引非仕楚受恩私故則恩故
中之羽翼彼其楚產楚仕也豈皆賢人君子哉抑豈
無一二賢人君子哉而居正一一置之要地每美缺
一出傍人指曰某某已而傍人又指曰或某某已而
卽如所指夫所指而正人君子也則用之當矣所指
非正人君子也如天下事何臣恐雖正人君子用之

驟焉所累滋多矣而爲瀚者日取四方卑職小官通行賄賂如給事中王希元所奏內云云至部屬方面以上僅能先一知名走信耳堂官如此屬官又可知矣吏部如此他部又可知矣在居正則好所受教在瀚則徒擁虛名去冬曾私帖付南京都察院右都御史趙錦不許科道議論冢宰則居正之鈐束在朝科道又可知矣臣嘗反覆嘉靖以前冢宰名數僅僅抵嘉靖以來至今名數以輔臣之權重也何也得數數更易也嘉靖以前九卿功名多顯盛嘉靖以來九卿

功名多減損以死卿之權重也何也懼數數更易也
臣竊聞祖宗朝間有旨下不便民間利害各部猶
皆責閣臣不從容稟擬今詔旨一下果嚴耶居正曰
我費多少力方如此由是人不敢不先謝之是人畏
居正甚於畏陛下矣果溫耶居正則曰我費多少
力方如此由是人不敢不先謝之是人懷居正甚於
懷陛下矣畏威懷德非國之福吉之具臣如李昉
輩薦人猶惟恐人知避威福也未聞引爲自利之圖
托爲身後之計如居正之薦四維與瀚爲也祖宗

之法果如是乎 祖宗朝閣臣優游密勿侍從論思
一悉大小事體臺省從臣各出所見條陳之部院覆
奏行之各省撫按官奉勘合行之未聞閣臣有舉劾
也居正條陳章奏考成有曰各省撫按凡考成章奏
每二季該部各造冊二本一本送內閣一本送科撫
按延遲該部舉之該部隱蔽該科舉之該科隱蔽閣
臣舉之夫部院分理邦事舉而劾之其職也科臣封
駁奏疏舉而劾之其職也閣臣例無印信銜列翰林
翰林之職止備顧問不侵政事 祖宗制也居正創

爲是說不過欲制觔科臣總聽已令耳夫巡按回道
考察非大敗類者常不舉行蓋以選之既精任之既
專諸臣自知顧惜名義不至狼狽大甚且都察院於
各御史有統無屬不欲重爲摧挫之鈐制之也近日
御史俞一貫不聽指授調用南京凡在外巡按御史
垂首喪氣莫敢展布所畏者科臣耳居正於科臣既
咱之以陞遷之速又恐之以考成之遲誰肯冒鋒刃
舍爵祿而盡死言事哉夫文彥博執政容唐介之直
言司馬光當國聽蘓軾之廷爭古之賢臣類多如是

往年趙參魯以諫遷猶曰外任也余懋學以諫罷猶曰生錮也今傅應楨則謫戍矣又以傅應楨故而及徐貞明喬巖李楨矣夫輔臣所贊助者賞罰也所不敢明言自居者亦賞罰也陛下每用省臺諸臣居正曰我用之公受謁謝不少退讓欲歸私德而箝衆口也今降罷責治臺省諸臣居正獨不曰我降罷責治之也何也避私怨而畏公議也輔臣而歸恩避怨誰其韙之祖宗之法應如是耶至若爲固寵計獻白燕白蓮致詔旨切責傳笑天下爲擇好田宅計指

授該府道誣遼王以重罪今武照王又議罪矣分巡
施雋臣爲臣祖宗不宥示誼而絕嗣隕世矣居正可
忍爲之乎爲子弟連中鄉試而許御史舒鰲以京堂
布政使施堯臣以巡撫今年嫡子又起覬心矣爲造
大厦發銀十萬節遣錦衣千戶校尉等監修違禁宮
室目斃江陵民汰等膏血今江陵之膏血盡矣爲黃
州生儒投匿名帖數若子弟中式不公假縣官事窮
治殆盡今其舉人生員欲訴冤擊登聞鼓上告矣編
修李維禎稍不慎言談及其家富貴狀卽外斥矣且

風聞居正之貪不在文官而在武臣不在腹裏而在
邊鄙臣每憐之遼東各官尙未得實然入閣未幾而
富冠全楚果何以致之耶宮室輿馬妻妾奉御有同
王侯果何以供之耶臣不能不聽而疑疑而信矣然
遠近臣工皆聞且信之而不敢明目張膽指摘其罪
過者積威之劫也臣聞自古人臣之進諫於其君者
有難有易各因其時而已英明聰察之君不欲自聞
其過而樂聞臣下之過人主勞心疑忌於上大臣側
足畏罪於下當此之時諫人主難言大臣易寬仁溫

恭之主動遵禮法自聞其失則從諫如流聞臣下之過則務爲優容以保全之而爲大臣者上受主知下懾衆志建言者方及上而罪言者已先集當此之時諫人主易言大臣難而爲大臣者每每一聞人言則藉人主之寵激人主之怒或曰誹謗或曰奸黨或曰怨望或罪一人以畏惕乎衆或連衆人以陰杜乎後夫人主之優容而保全之也本以存大體也本以俟改圖也而大臣不知改圖不惜大體嗾嗾焉求勝不已於是有一種無籍惡徒起而附會之言者之禍益

烈大臣之惡日滋而天下國家之事日去矣臣觀今日之事實大類此陛下卽位以來諫勤學則勤學諫親政則親政諫日講讀則日講讀陛下彰從諫之美諫臣輸進言之忠雖祖宗納諫盛事亦不是過臣故曰諫人主易也但言涉輔臣則禍在不測余懋學反覆四條隱言張居正之輔政操切傳應禎憤發三款俱比王安石之輔政不職此固天下所共知也天下所共知猶可言也至其中則有負性剛果持身正大不從其指授不出其門下舉不當其意劾不

出其私則乘機構會以他事中之遷之遷而遇考察也則又以考察錮之古者用其言而顯其身後世不用其言而反罪亦已甚矣今則又使其不以言獲罪而以他事獲罪嗚呼人臣而至於以他事獲罪身與名俱沒矣身與名俱沒匪惟中士不肯爲雖上智之士亦閉口卷舌奉身求退矣以天下之大而使上智之士奉身求退惟聽彼一二輔臣隨所欲爲焉豈天下之利哉臣故曰言大臣難也夫諫人主之易如彼言大臣之難如此古人亦計之孰矣臣甘犯其所難

而觸其所忌豈人情哉無亦謂祖宗之法度不可
不申明萬世之僭逆不可不防杜一人之爵位死生
不足惜天下後世之公議是非所當正往者無可諫
之理將來有當慎之圖使居正能慕文彥博司馬光
之爲人而改絃易轍則必思太祖成祖之家法
而去實避名一時之權勢必不敢擅也萬世之名議
必不敢犯也進用人才必不敢私出已意也引見吏
部必不敢一一指示也朱氏之貨寶可不必貪也內
閣之簿籍可不必置也史官任其書善書惡可不必

改正也子弟任其得之不得可不必私通也不必色厲而內荏也不必植黨以背公也 陛下中興之治

可立而致居正晚年之業可改而圖臣職言職服豸服亦得免隱忍尸素之愆矣 臣故曰進言者固當望

陛下爲堯舜禹湯之君亦當責輔臣爲臯夔伊傅之

臣也伏望 陛下俯鑒 臣愚仰體 祖訓曲加裁抑

萬世幸甚 臣初舉進士居正主考會試 臣中第七 臣

廷試居正同充讀卷官 臣中二甲第四 臣列部屬官

三年居正薦 臣改選今職自常人觀之居正之恩於

臣亦云厚矣然仰惟陛下天覆地載大父母也父

母生之成之小天地也忠陛下卽所以孝父母而

區區舉薦私恩不與焉古之人有舉人自罰者舉者

不以爲異事而所舉之人亦不爲薄恩何者主恩有

所當重私恩有所不顧也臣前謂輔臣未去位之先

欲起而代之者往往喉一二門生故吏出力以排之

排之而去則此一二入者驟至顯榮起而代之者結

爲死生進退天下不知猶毅此一二人之剛直幸則

爲鄒應龍曹大埜不幸則爲張齊濟康臣竊鄙之臣

以孤立愚忠惟知陛下之恩所當報塞祖宗之

制所當申明萬世之防所當預謹雖父母垂老無依

惟思致身盡瘁無負此職無忝此生他尚何恤伏乞

陛下憐臣之愚鑒臣之忠採而行之臣死且不朽若

居正主考臣屬門生以卑犯尊罪所當治亦望陛下

下行臣之言節其權勢以謝祖宗明示中外仍罷

斥臣以謝居正臣亦死且不朽倘中外臣等不明

祖制不諒臣心謂陛下妙齡天縱無用直言以煩

聖慮不思陛下今日之堯舜也有君如此得一二

賢臣以佐下風黃虞之治朝夕見矣

臣

可無言耶謂

居正罪惡未盈不宜早發恐至無忌不思彼果無忌耶國典公議固自在果有忌耶及今收圖猶得令終

臣

可無言耶謂臣承乏邊徼自有事事可不必言耶

臣

自冬徂春積侵寒氣誤用庸醫心神怔忡髮鬢寥

落一旦暴死隱填溝壑未及一言豈忍瞑目

臣

可以

無言耶用是情出迫切詞冒忌諱惶恐慄不勝俟命之至

追論黨惡權奸欺君誤國乞正國法彰天討疏

楊四知

陝西道監察御史
萬曆十年九月

臣聞自古大奸大權欲擅作威福謀爲不道者其計有三一則交結左右巧爲譽言以固人主之寵眷使信任而不疑二則箝制言官銷弱士氣以塞人主之耳目使下情而不達三則尊禮謀主內外協力揚已躬之善播人主之非使天下人心背君而向已三者之勢成小則竊弄威福大則陰移國祚漢之莽操用是道也

臣

自萬曆二年進京荷蒙

皇上拔擢職授

行人熟聞朝廷有腹心之大患社稷之元惡三人曰
馮保也徐爵也故太師張居正也三人同心一體挾
天子以令羣臣權傾中外包藏禍心臣竊憂之卽欲
出位劾奏以死報國誠以一死不足恤恐天下後世
謂我皇上殺直臣成朝廷過舉臣死不瞑目耳今
年蒙 聖恩擢居御史亟欲論列而居正已死臣又
謂保爵二人必能洗心革面以蓋厥罪不意其恬不
知悟近被御史江東之李植叅論我 皇上英斷拏
問徐爵斥逐馮保都中臣民舉首加額懽忻交頌曰

今日方知有天子矣然三奸之罪惡滔天二臣猶未

盡言

臣

謹昧死爲

皇上陳之

臣

伏見

皇上冲齡

嗣位垂拱聽政玉音宣朗天下臣庶皆稱頌有成王之資堯舜之聖也當是時內托馮保以保護聖躬外任居正以贊襄朝政二人荷蒙厚恩古今罕聞正宜矢心報國以道事君致明主于二帝之隆也奈何二人陰相交結更相慶幸以爲主少國危正可罔上行私知逃軍徐爵素有機智尊爲詠主生死相依徐爵晝則私匿馮保直房屏去左右附耳低語夜則潛

投張居正置之上座稱爲樵野先生促膝計議每至
夜分都人相語以爲今日之徐爵居正之子房也今
日之馮保居正之趙高也而爲爵者又揚揚誇示曰
皇上戲游無度章奏漫然不理朝廷政令惟張公與
我耳使天下人心皆歸張氏其意欲何爲哉是以十
年之間天下但知有馮保居正而不知有皇上皆
徐爵之謀也卽其罪惡滔天雖罄南山之竹猶不盡
書臣姑舉其大者而數之臣見居正豎牌朝房各官
饋送叅奏是自示其清也及其在任守制馮保傳奉

聖旨張先生清廉是 皇上知其清也夫居正之奸
貪窮古未有且無論其江陵所充積但據其身死回
籍騾車三十輛搬運一月填滿京衢糧船八十艘綿
延百里阻塞運道玉盃盃數百隻奇巧者諸子狀元
爭碎而不惜銀火盆三百架厚大者家人尤七盜銷
而不顧 皇上下婚慶典買取珍珠戶部尚書殷正
茂先以大者饋送居正而後以小者進呈是明珠之
貴宮禁所不得用也正茂又織天鵲段極爲精巧二
送馮保二送居正是雲錦之美天子所不得服也十

年以來稀世之珍四夷之寶盡歸私室是居正貪婪之罪一也總理練兵左都督戚繼光用萬金託尤七拜居正爲義父每年饋送不下數萬若居正所進刺繡肅雖奇巧花燈皆繼光代造手握強兵恩結父子天下爲之寒心邊將中卽一繼光而其餘可知是居正樹黨之罪二也吏部左侍郎王篆用萬金屬尤七結居正爲姻親不數年由文選而驟陞都憲銓曹天下貨賂未登相府而先及王門身居衡宰勢焰婚媾天下爲之側目文臣中卽一王篆而其餘可知是居

正招權之罪三也國家設科取士稱至公也甲戌會
試居正憤編修沈一貫不取子嗣修中式以會元孫
鑛係一貫所取遂不置一甲題名記至今未立丁丑
殿試嗣修原後列徐爵密通馮保置之榜眼人人
共憤無敢言者庚辰未及會試居正自撰策題先爲
子懋修請客對策都中預知必爲狀元居正要異母
弟居謙不許入場逼令回籍居謙憤怨氣死南陽至
期懋修果登狀元敬修果登進士居正探知人心不
服使徐爵揚言于外曰聖母皇上念元輔功高

特賜拔擢其誰欺乎人有帖張氏門聯曰一正當朝
亂國政三修登第實堪羞都人至今誦之是壞國家
之科名居正欺君之罪四也至親莫如父子先正謂
求忠臣于孝子之門未有不孝于親而能忠于君者
也居正自登第歷官三十餘年未聞歸省及其父死
百官密語曰張公必不去臣猶未信後果蒙 皇上
眷留而居正當寢苦枕塊之時每日于靈几前稟旨
二三閣臣獨不能乎是時諸臣上疏勸其丁憂者無
非欲移孝爲忠也致激 聖怒奉旨廷杖而內官呵

令行杖者曰張師傳叫着實打是何說也百官憤激
修撰沈懋學習孔教等草三十餘疏欲伏闕廷爭
居正知之次日皇上頒諭羣臣午門前宣讀當時
黃風蔽天百官俯伏拭淚哽咽私相告語曰不意

祖宗二百年天下皇上不世出明主今爲權臣欺
蔽如此臣等惟有効梅福掛冠而走耳逆氣上千玄
穹示儆彗星亘天都中洶洶人心惶懼居正遂假星
變考察以箝制縉紳沈懋學王錫爵逼令養病習孔
教張位考察去官矯誣上天以箝天下之口居正欺

君之罪五也裁華驛通名爲節旨矣乃其歸葬沿途
五步一井以清行塵十步一廬以備茶竈旅館郵亭
金碧輝煌笙簫金鼓山嶽震動父老望之而嘆息曰
世宗皇帝南幸未見有此居正僭分之罪六也錦衣
總旗龐清素稱巧佞也尤七薦爲居正造宅三年陞
東廠管刑千戶錦衣衛千戶馮昕考察革職矣尤七
薦于居正起用東司房掌刑二人受尤七頤指氣使
凡有賍耻之嫌卽訪拏拷打逼求重賄傳曰尤爺釋
放都中聞而寃之居正縱容惡僕殃民之罪七也居

正每退朝美人鍾鼓高會羅列自覩金塢玉山意
甚厭之乃訪問古器天下爭相買求以投所好河洛
之間三代帝王陵墓掘發殆盡居正家商彝周鼎秦
鏡漢尊不知其幾也是不惟流毒海內且使上古帝
王枯骨蒙禍矣居正窮奢之罪人也諫官者朝廷之
耳目也凡政令之得失人品之邪正皆所當言國家
二百年來雖有大奸夫惡畏懼而不敢逞者特有此
耳以嚴嵩之賊害忠良當時臺諫猶敢言之自居正
擅權專意伺察臺諫凡其章疏少涉時政輕則補外

重則中傷以是人心恐懼主氣銷滅掩蔽聰明上下
間隔而彼得以肆行無忌矣居正蔽主之罪九也昔
魏相佐漢凡風俗薄惡四方水旱必以疏聞蓋欲人
主知所儆戒游心代理也居正當軸行申韓之令襲
商鞅之法天下嗷嗷民不堪命天心示儆災變頻仍
而居正方宴然自處陰使中官僞書天下太平于石
上欲皇上信其治晏不復儆畏而權獨歸已是卽
指鹿之心也今年自二月至六月不用居正死之日
其霖霖然都中語曰張公死而天放赦可以驗人心

矣自是諸省災傷報無虛日果太平乎否耶居正罔
上之罪十也江陵儒生扼腕不平偶語學舍居正大
怒沙汰天下儒生折毀古蹟書院將孔子肖象繩縛
車載投之江河使天下有秦始皇坑儒之謠欲行私
憤禍延先聖居正克殘之罪十一也臣考官職上在
國乃文職正一品人臣位號至此而極國初雖設此
官亦不輕授盖上一字人臣所宜避者卽徐達爲
開國元勲第一亦止得爲左柱國累朝以來曠而不
置縱有特恩臣下無不力辭盖因父老相傳我大

祖未履宸極之前曾有此位號故也昔唐太宗居藩
邸時曾爲尚書令唐世臣子無敢爲尚書令者至代
宗廟以郭子儀有大功特拜是職子儀固辭不受載
之唐史明鑒可徵 國朝文臣生前亦未有爲三公
者居正使徐爵通馮保蒙蔽 皇上公受上柱國進
位太師昨遇 皇嗣誕生加恩大臣居正使非天祐
其魄又何加焉必進伯爵再冒軍功覬覦九錫此百
官曉然共知含恨入骨而不敢言也居正僭逆之罪
十二也古之大臣病篤必有遺表勸人主親賢遠奸

以永終譽言不及私臣風聞居正有疾自知罪大惡
極恐死後敗露又令尤七送密疏于馮保轉奏皇
上皆國家大事大畧指正人爲邪人以弊政爲善政
報復私讐陰樹奸黨有無臣不可知卽果有之是旣
欺皇上于生前又欲誤國事于身後臨死又聽徐
爵首薦貪婪無狀之潘晟則其前所具疏決非正大
可知居正誤國之罪十起也居正柩回諸郎載其珍
寶沿路騷動舟至高郵湖阻塞民船風浪大作覆民
船數百艘溺死萬餘人哭聲震天浮尸滿湖人皆曰

居正之餘殃寔諸子縱肆之罪十四也居正死馮保
祭文有曰生死相依是十年間巧譽居正于皇上
前者馮保也而徐爵又揚言曰皇上尊禮居正如
聖人夫我皇上尊禮大臣聖帝之美事也但天下
皆知其奸而陛下特稱其聖是損陛下之明也
昔嚴嵩滅沒之後好事者編爲金牌記雜劇以播其
惡今居正方死說書者唱傳銀印記所言妬害忠良
招權納賄陛下試一召而聽之知臣言之有徵今
歲各省試錄策中皆言崇寬大除苛政實指居正也

陛下試一取而覽之知臣言之有據臣擢列言官蓋
亦受知居正者何爲不存忠厚摘發其奸臣日夜痛
心切齒深恨其陰謀潛襲欺君蠹國生死不二以
陛下堯舜之資而天下之人謂爲居正所欺罔臣之
所不忍也伏乞 皇上大奮乾剛將九七拏問明正
典刑嗣修等禱其衣冠居正革其上柱國太師之僭
號誅奸臣于旣死昭鑒戒于將來暴彰罪惡懸之都
門以謝天下仍將臣加斧鉞之誅肆諸墓下以謝居
正臣亦甘心焉臣忠憤所激不識忌諱干冒天威無

任戰標之至

奸險大臣蔑視公論乞賜罷斥以正人心疏

曾乾亨

山東道監察御史
萬曆十一年十月

臣惟朝廷之所以制馭天下者在威福臣子誰得而竊之世道之所以維係者在公論人臣誰得而違之竊威福者是謂無將至于深謀默運假此以箝言官之口此尤奸慝之尤也違公論者是謂不道至于睥睨肆行蔑此而恣胸臆之私此尤邪佞之魁也人臣有一于此卽不可復容于堯舜之世乃若兼茲二者則今兵部尚書張學顏是也臣敢爲皇上陳之夫

學顏結納故相張居正潛通貨賄欺隱鑽刺以至九
列此俱昭灼在人耳目矣乃今于南京工科給事中
馮景隆一事其人品心術盡皆畢露所關于竊威福
蔑公論非歎小也 皇上可不重庶其狀而亟罷之
乎夫李成梁功在遠左人所共知也馮景隆事屬風
聞而言不中窾諸臣亦未以爲是也 皇上下之兵
部蓋已明見萬里矣乃學顏與周詠先後撫遼事同
一體共圖欺隱徼蒙叙錄周詠旣已被斥學顏寧得
追誅其設心以爲不借事以中言者則不足以杜將

來之口不張皇邊將之功則不足以激主上之怒而
重言官之罰故其鋪叙成梁之功險局備張臣等讀
之不待其詞之畢而知其奸之無所逃也及陛下
已罪景隆矣學顏又欲掩蓋已過捏詞裝飾陳情俯
宥臣等亦不待其疏之上而知其必有巧爲市恩之
計也夫學顏以成梁之戰功昭著則景隆爲當罪矣
景隆既當罪則聽陛下處分亦非本兵所當與矣
是非功罪必有一定未聞方以某人爲可罪而又以
其人爲可宥也且諸言官之疏方上旨猶未下聖

德淵深學顏何由知 陛下之不允所奏而遽行陳
瀆乎今日誦成梁之功則以景隆爲可罪明日掩奸
邪之謀又以景隆爲當宥方竊 陛下之威揚已而
制人又竊 陛下之恩匿非而文過此其詭秘叵測
蔑棄公論倒置國是甚矣不惟情狀曖昧以在廷諸
臣爲可欺且展轉狂悖豈以 陛下爲可欺乎夫成
梁之戰功雖可錄但借成梁之功以重言官之罪其
謀則可恨也景隆之不審雖可罪但借景隆之罪以
杜將來之口其奸則可畏也世未有禁言官之口舌

而不蔽 聖主之聰明亦未有傾國家之耳目而不壞朝廷之心腹者大臣心術若此是寧可一日立于朝端哉且今邊防廢弛北虜款貢不可恃而比來烽火日急此非忠純不二心之臣不足以肩茲重任若學顏雖有機警敏捷之才不過用之于鋪張紛飾以誑人覩聽施之于逢迎要結以固己名位寧有一毫據忠悃而爲國家用哉此其不可膺本兵之寄明甚矣且 臣考其爲人其貪黷狼籍譎事要津瑣屑鄙猥之事姑弗具論但以結交權奸張居正言之人知傾

陷劉臺者王宗載也阿奉助成者周詠于應昌也然此三人皆居正以意授之乃其發縱指示授居正以意者則張學顏也當劉臺被執之後正學顏撫遼之日學顏欲深結居正歡心則捏成賊私開具劉臺揭帖送至京師居正得之不啻重璧而又以遼東撫臣之言可憑而據也故其深謀秘計轉相授受王宗載得之以示謝耀謝耀得之以爲具疏張本而劉臺之罪成矣此亦豈能塗全遼之耳目哉今王宗載等俱已正法而學顏猶然綰大司馬之綬尚得以縱私罔

上竊威福而蔑公論臣不知其解也又自入戶部以
來傾心權奸極先意承志之巧彌縫固結工望風希
旨之術催徵之檄日下諸道如霆迅火蕪清丈之令
督令叅罰如下石燃膏有司奔命未遑黎庶捶楚不
堪閭閻蕭條白骨徧于原野元氣耗敝國脉虧損此
皆居正挾慘刻以誤臣陛下而學顏又挾慘刻以誤
居正也然臣于學顏之操存舉措其關係今日人心
者反覆思之尤有深慮敢復爲臣皇上陳之夫自
世廟末年由貪黷而反之清潔世道一升降也今日

由權奸而反之蕩平世道又一升降也升降之際所
係甚重而小人乘機變幻運量其間隄防尤難蓋貪
黷之與清潔若寒暑蒼素然其形易見反之無難也
而當時意見稍偏任用稍過反之未幾時事復改識
者未嘗無遺憾矣乃在今日則又異是數年以來當
事者以權術機智馭下而下之人亦各逞權術機智
以中乎其上市滑已熟巧僞橫生能爲貪黷而亦能
示清潔能附權奸而亦能違蕩平其爲貪黷也甚秘
而清潔則彰灼可徵其附權奸也甚隱而所違蕩平

則暴著無遺若今張學顏其最者也今朝廷之上方
修蕩平正直之業而力反權術機智之習人心已知
有反正之漸若奸邪之輩不斥而尚使之覲顏在列
竊恐伏機隱智潛藏蘊蓄所以待時待事而發者猶
可患也太平未可反掌而收也 陛下何惜一張學
顏之去而使爲太平之玷哉且令人心爲其濡染竟
不獲反蕩平之盛哉此 臣 所以反覆徘徊而不能嘿
嘿也 臣 以下走孤踪方自遠方拔擢叨任繩糾之列
豈不知學顏奸心鉅力能危人而申之以禍但 臣 自

束髮受學荷蒙

陛下陶養作成其于此際裁之稔

矣倘

陛下以

言爲然而力

施行

之大願也

不以

臣

言爲然而且中學顏之險

臣

亦無所畏也義

激于中冒瀆天聽

臣

不勝隕越待

命之至

奸臣黨權誣陷言官乞彰國法以快公論疏

孫繼先

巡按直隸監察御史
萬曆十一年九月

臣于本年七月二十五日接到邸報見巡按遼東監

察御史洪聲遠勘過原任遼東巡按御史今贈光祿

寺少卿劉臺賊私盡屬虛誣一無指實

臣

仰見

皇

上明如日月無冤不白斷若雷霆無奸不究則原任

江西巡撫王宗載遼東巡按于應昌誣殺劉臺之罪

有不能逃焉者矣

臣

細訪之致劉臺之死者王宗載

也勘劉臺之賊者于應昌也所以使劉臺有賊可勘

而因緣以致死者今兵部尚書張學顏也當劉臺巡按遼東之日學顏時爲巡撫其殺降夷以冒軍功掩殘破以報捷勝罪狀惡跡不止一端日夜惴惴焉惟恐按臣知之摘發其私故使人伺臺之動靜者非一日矣及劉臺具疏欲劾大學士張居正門下偶因姓之相同誤爲劾學顏而報之知學顏乃茫然自失以爲臺之疏真劾已矣急拜臺以求免比臺直氣所奮遽叱之曰豺狼當道安問狐狸臺所論者大學士張居正也安能與你辯是非哉學顏因臺面叱已爲狐

者也學顏乃發縱指示者也當以學顏爲首而王于
二臣次之 皇上納御史江東之之言赫然震怒既
於王于二臣革職聽勘行且罪之矣乃學顏猶袖手
旁觀覩顏于八座之列不知退避臣恐劉臺之死不
瞑目于地下卽王于二臣亦不甘心以服罪矣臣未
出都門時卽聞其事比因吳允旣去本兵無人故含
默有待及抵揚州凡南北過往官員會臣者咸曰劉
臺之死宗載應昌特爲之下手耳學顏乃禍本也反
置之不問何以服人心而昭公道也臣益知學顏之

罪爲公議所不容矣況今海內正人振起朝端其間
履歷邊方諳練兵務者不可謂無人也又何惜于學
顏一奸競爲哉叅照兵部尙書張學顏狐媚存心狼
毒用事裝汙風憲豈思法紀之嚴誣陷言官不念耳
目之重列其罪狀無異驩兜之行置之典刑宜服崇
山之放若學顏者誠不可一日居于堯舜之朝者也
況其結交邊將爲義弟義兄殺降冒功以蔭官蔭子
致使兵連禍結數年不解遼東軍士恨不得食學顏
之肉而飲其血也今營入本兵未及數月卽將義姪

狸深恨而銜之迨後入爲戶部尚書遂撫拾劉臺之事捏有于無加多于少誣賊一萬餘兩揭之居正以買居正之歡一以釋睚眦之忿此人人所知也比居正方欲甘心于臺以笏天下之口得此遂爲奇貨故行之遼東爲應昌所勘者勘此賊也行之江西爲宗載所問者問此賊也臺遂百口無辯坐此死矣是殺劉臺者雖曰王于二臣使王于二臣殺劉臺者臣不敢曰他人而曰居正使王于二臣殺劉臺者雖曰居正使居正借賊以殺劉臺者臣不敢曰他人而曰

學顏向使學顏不憾于臺而有此揭則居正雖欲甘心于臺無所憑據王于二臣亦何所勘而何所問哉臺至今存焉與吳中行等諸臣復蒙聖恩于今日未可知也今臺之死不可生矣臺之賊勘之虛矣學顏可置之不問已耶書曰樹德務滋除惡務本臣謂學顏之罷不可後於王于二臣學顏之罪亦不減於王于二臣也昔漢高帝論滅項羽之功謂韓彭逐死走兎者也蕭何發縱指示者也故以蕭何爲首而韓彭次之今論殺劉臺之罪臣謂王于二臣逐死走兎

李如松李如栢連陞掛印虎踞邊方臣謂李成梁旣
曰功臣宜稍裁抑以示保全乃使父子俱握重兵可
乎彼學顏者但知納賄行私固不復爲國家深長慮
也近日原任都察院左都御史陳炯因阿附權臣叅
御史趙應元止于罷官已耳荷蒙 聖恩復行起用
其官如故其人固在也炯猶爲公論所不容仰承
聖斷罷歸原籍矣學顏裝誣劉臺成之窮邊置之死
地使忠義之魂含冤九泉其狠心狠毒黨權害人視
炯之罪不啻百倍乃反居官如故此人心所以扼腕

不平也特以學顏盤結固密故人重言之耳伏乞
聖明大彰乾斷將張學顏亟行罷斥以爲人臣黨權
行私誣陷言官之戒庶法紀正而奸邪不致漏網公
道明而輿論大爲稱快矣臣愚聞訪旣真不敢隱默
惟 聖明垂察焉

大臣朋奸黨逆誣上欺君乞獨斷以昭臣鑒疏

李

植

江西道監察御史
萬曆十二年七月

惟天無私而福善禍淫惟君奉無私而賞善罰惡故
春秋之義誅死者於既往垂鑒戒於將來豈春秋立
法之過哉意蓋深遠也故輔臣張居正挾權闖之重
柄貌皇上於沖齡殘害忠良荼毒海內諸臣所已
言者臣不敢復贅如進昌邑王之傳爲放太甲之言
是以伊霍自處也而獻受符之鏡迎傳命之鼎託飛
龍之夢假甘露之祥是以篡逆占人也而諸子巍科

取之若寄四方珍獻歸之若流矣遼王之淫縱罪止
一身脩其小嫌而誣以謀反且并親王坟地奪之以
竊王氣 九廟之靈有所不安矣朱希忠之爵祿位
已浮功受其重賄而與之王封且謂 肅皇帝稱其
功同靖難撰文歸美 皇祖之旨亦可假捏矣至若
奪情以饟天常變法以干國憲以廷杖鑷鉗忠諫以
察典禁錮名賢諸如此類不可枚舉盖得罪于天地
祖宗矣律以春秋誅心之法卽斬棺斷屍尚有餘罪
項者 皇上據遼妃之奏正抄沒之典天與 祖宗

啓 皇上之衷布威靈而雷霆之非過舉也夫何刑
部尚書潘季馴昔爲私党深銜卵翼之恩今藉恤舊
其爲蹠犬之吠搖唇鼓舌大肆謗言不曰居正之產
宜抄也而曰 皇上好貨貪財不曰居正之罪宜誅
也而曰 皇上損德傷體夫四凶必誅唐虞之治也
何傷於體諸枉必措堯舜之仁也何損于德富有四
海玉食萬方 皇上爲公之度又何利其貨財況因
遼王之寃而始發念宗藩之枉所當伸亦何嘗有一
毫私也而季馴顧以私窺之私謗之是誠何心哉夫

尤七之獄旣成羊可立之疏復上居正諸子已預知
必有今日潛入京師以求庇護探聽已久謀畫甚詳
其重貲厚蓄埋匿他所者十之六七其奇珍輕賈餽
獻要路者什之四三室之所存僅千百之一二耳奉
差諸臣懼無以塞 皇上之命少加推問理或有之
至謂銅綬鐵夾斷肢解體拷斃數命饑死十人恐諸
臣未必若是之慘而 臣實木之間也季馴又倡言惑
衆公然疏援且諷科臣代爲陳乞恣其胸臆而塗
皇上之聰明造爲僞言而悚 皇上之心志蓋私黨

可護卽公論可違也非道可悅卽上蒼可欺也是居
正氣力雖亡猶存皇上神聖雖尊無權臣之心不
平久矣今觀李江張誠所奏縊死者僅張敬修張可
祿二人而已餘皆無恙季馴何所見敢爲無根之說
以誑皇上哉及皇上降旨責問大臣之義惟有
席蒙認罪又復支吾展辯諉罪承差且曰今張誠等
以爲竝無此事則無之矣憤恨不平之氣卽以之復
同儕猶且難堪矧君父乎況承差撫按所差也撫按
未至屈殺數人彼敢以無影之事誣見若之官萬一

如今日季馴指名曰湖廣承差李加等所傳撫按呼而究之彼將何詞以應以理推之未可盡信方承差齎奏來京投文都察院臣等亦嘗問及楚事初未聞有饑死十人之言何季馴獨有此聞也由此以觀季馴不惟誑皇上於前又且欺皇上於今日矣臣查得大明會典內一款凡官員人等說謊者斬又一款凡大小官員奏事言語不一轉換支吾面欺者斬書於闕廷典至昭也季馴始而背公護黨以無爲有誑孰大焉旣而舍已推人轉換支吾欺孰甚焉若李

馴者以二典律之尚可緩兩觀之誅四凶之竄哉臣

又聞季馴疏上之日閣中之擬票方入刑部之咨文

已行蓋明旨未下而公役先馳矣幸 皇上俞允閣

票部文僅不背旨儻其謀即時上聞 皇上發閣另

行票擬

臣

不知奉差諸臣將遵先至之部文耶抑遵

後至之明旨耶何季馴敢于欺肆如此

臣

竊爲季馴

寒心焉不特此也馮邦寧打死人命有死無赦之重

犯也奉旨提問業已拘入到部會臣聖躬違和季馴

遂擅行釋放及入聖躬萬安始復拘回本部諸臣無

不駭愕其無君又有如此徐爵張大受游七見監候
決之重囚也縱令棋酒幃帳歡呼獄之別室主事饒
伸少加防制季馴輒大怒致伸不能安其位其後事
聞於外又善言誘伸以泯其迹其縱奸又有如此蓋
季馴爲人本無行匹夫漏網遺奸大得罪於鄉評久
不齒於公論父以訪察克軍兄以人命擬死父子兄
弟濟惡不才縉紳惡之奚啻惡臭祇以巧媚居正游
歷今官往河工告成疏推居正以人功而以徇功自
比邪鄙無耻之態自昔已然卽素行如此又何怪乎

今日誣上欺君哉若不速行斥逐臣恐以下訕上以
臣議君相率成風莫知底止矣再照朝廷罰惡之典
削籍爲輕抄沒爲重如罪小而當存其官則不宜行
抄沒之法若罪大而旣沒其產豈復有存官之理居
正負國欺君抄沒爲宜止削太師而餘官如故是明
無罪矣無罪而抄沒之他日必以掩功議 皇上則
居正之罪得以有辭 皇上之心終於不白此季馴
貪財好貨損德傷體之謗所由興而臣爲 皇上不
平也故臣謂今日處居正者不在抄沒而在明正其

罪蓋必先正罪而後抄沒之舉有名若徒曰抄沒而
已天下後世謂皇上之法何謂皇上之心何臣
受皇上特達之知觀茲欺弊臣心不甘坐視天下
後世之將有議也臣心不忍敢昧死并陳其得罪私
臣而受其魚肉臣非所計也伏乞皇上大奮乾剛
將季馴速行罷斥以爲黨逆欺君之戒仍乞勅下法
司查照嚴嵩事例張居正削籍定罪以正朝廷之法
至其家之抄沒暨各黨之招扳追之如數亦不足爲
國家之損況久匿餽去之財諸臣卽工於撙括亦不

能復聚徒增慙怨耳更望皇上賜矜釋以昭法外
之仁而解臣下之謗庶幾仁義並運寬猛得宜皇
上雷霆之威人固不得以過議而雨露之恩亦出自
朝廷矣臣孤忠披瀝惟皇上留神

大臣互黨誤國欺君致遺虜患乞賜罷斥疏

萬國欽

山西道監察御史
萬曆十八年九月

臣接邱報屢見總督梅友松撫臣趙可懷巡按崔景
榮張天德所奏邊事旦夕憂惶措躬無地蓋漆室之
女尚知憂國重義之士一飯不忘況臣蒙聖恩拔
置西臺卽捐頂棄踵無以言報謹昧死以聞惟陛
下裁察竊惟曩時俺酋悔禍內附邀我市賞臣是時
懼以爲有宋金繒之漸也而當事諸臣若王崇古等
唯諾恐後自俺酋通路西番駕言迎佛臣是時懼以

爲有宋西夏之漸也而當事諸臣若侯東萊等唯諾
恐後自捨會建寺請額意圖住牧臣是時懼以爲有
宋金人渝盟之漸也而當事諸臣若邵光先等唯諾
恐後此豈智不足哉蓋全軀保妻子之念重而不能
爲國遠謀徒旦夕幸免取效目前故釀禍至今不可
收拾耳然猶幸其發之早也昔晁錯策七國曰削固
反不削亦反削則變疾而禍小不削則變遲而禍大
今黠虜之勢何以異此乃縱寇養禍不爲征剿之計
果何以故也昔有宋當金人橫恣之時張韓劉岳

力勤王收復中原猶之友掌而秦檜力主和議竟貽
宋室亡徵召罪千古至今忠憤之士猶欲寢其皮而
食其肉不意明明天朝復有如檜者得側其間以重
惟宋禍耶夫大學士申時行所謂股肱之臣也受
皇上之眷顧不爲不厚受皇上之付託不爲不重
日者西事嚴急正主憂臣辱之時必期滅此而後朝
食以慰皇上西顧之懷可也至前月召對上問虜
酋侵犯財委之爲搶番無意內犯不知臨輦二府果
番地平抑漢地乎及皇上折之以番人也是朕之

赤子番人地方都是祖宗開拓的封疆其奸難掩矣上切責督撫則委之爲武臣之信地文臣無與不知我朝經畧西事如劉天和余子俊等果文臣乎抑武臣乎及皇上折之以古時文臣如杜預諸葛亮都能將兵立功其奸難掩矣上意選謀勇將才曾經戰陣者則委之爲少不知遼左廣南何歲不戰果尚有乎抑盡無乎及皇上折之以重賞之下必有勇夫其奸難掩矣上稱款貢乃皇考聖斷則乘機逢迎欲人和說輒對通貢二十年保全生靈何止百

萬不知去歲西寧之敗肅州之虜果保全乎抑未保全乎及皇上折之以款貢不可久恃若專務媚虜使心驕意大豈有厭足之時其奸難掩矣是皇上之意在戰公論亦在戰而時行之意獨不在於戰皇上之意在絕和公論亦在絕和而時行之意獨不在於絕和彼非不知和之害也非不知戰之不可已也自款貢以來巧宦之縉紳與庸駑之介冑皆以邊方爲捷徑旣無戰爭之險又有異數之恩陞轉賞賚陪於內地日浚其甲士之衣糧以媚時待歲以十數

萬計無事之時則爲之援引失事之時則代其蔽護
試舉臣所知者如王國勲送銀三千兩則轉大同總
兵董一元送銀五千兩則又轉大同總兵米萬春激
變軍士送銀三千兩則調通州林鶴白衣納級送銀
五千兩又代其造宅則陞坐營羅秀一富室也送銀
萬兩則擢以錦衣美秩張鳳來亦富室也送銀萬兩
則投爲門客包領工部錢糧史繼書受張懋修之寄
頓事情發露則送以太宅一所至今居住許守謙轉
陞兵部則送銀三千兩復賄吳時來相屬其索書者

與家人攘捋於石駙馬街至如太僕寺寺丞吳之相
其內親也則連屋而居交通賄賂吏部假官假印事
發送銀五千兩與之輕罪後說事者分錢不平其婦
人伸冤朝房時行赧顏而令之去邊臣邊將多與吳
之相往來宋九其家人也則出入禁地日伺 皇上
起居傳言外廷以彰 皇上之過而都城內外廣廈
深堂倡優羣聚終日酣歌肆然無忌邊臣邊將多出
宋九之門若李迎恩送銀四千兩謀陞掛印則旬日
之內也鄧子龍送銀三千兩謀爭功賞則旬日之前

也數十年來與邊方皆恩交視邊方皆外府使和議
不成則怯者退勇者進敗者罰勝者賞功罪較然何
從而獲厚賂乎又何從而酬其厚賂乎語曰文臣不
愛錢武臣不怕死何憂天下不太平臣以爲武臣之
怕死由文臣之愛錢致之也夫以時行欺誤國家受
害已不淺矣而又蟠朋引類盤據中外兵部尚書王
一鶚亦時行之私人也虜酋入犯已經數月未見何
處請兵何處請餉惟覆疏極贊梅友松反覆周詳長
慮却顧事勢至此謂之長慮可乎謂之却顧可乎又

曰納款原非和議王款原非失策彼韓言和而言款
夫和安可諱乎王款者至殘城堡入內地矣而謂之
非失策可乎且張學顏之險鄙狼籍孰不知之然與
一鶚爲姻親援爲總督茲何時也而復爲私情計乎
若非時行爲之主張必不敢朋奸至此也總督楊友
松亦時行之故知也虜酋入犯傷殘已極未見作何
堵截作何驅逐乃前疏稱虜王叩頭謝恩西去矣及
至圍臨洮圍鞏昌果謝恩西去乎後疏盛稱戰功矣
其景城古之全軍盡覆則戰功安在乎且虜酋入犯

西鎮而又以東虜貢市爲解此何時也而復爲推托計乎若非時行爲之主張亦不敢朋奸至此也撫臣李廷儀延賊入關未聞一報至今代爲悔罪之說稱其俛首悔罪大而牛馬微而布帕估銀共二十八兩夫虜酋數萬之衆大舉入寇殺殞大將數員軍民萬餘生畜財物不計其數而僅以小物爲罰復欲照舊市賞如國法何如神人共憤何廷儀之心死罪通於天矣非時行爲之內主安敢爲此言乎陛下謂將才用之不善雖關張無能爲以時行在事安所得關

張也。陛下謂督撫受朝廷委托平日所幹何事以時行平日貪玩安望督撫之得人也。我陛下念邊備廢弛軍餉錢糧缺乏以時行弁髦國事安望軍伍錢糧之充實也。再據督撫疏稱閣部科臣指授謀策方畧不知是何謀策是何方畧若有所授是閣部科臣之誤。陛下也。如無所授是督撫之誤。陛下也。閣部科臣之言彼將無以自解矣。再據時行對稱堅壁清野爲萬全之策不知壁能堅否野能清否。劉承嗣全軍覆沒是衝壁而入也。臨輦掠搶一空是殺人

盈野也。堅壁清野之言，彼將何以自解矣？夫宰相者，受機密之重，寄操軍國之大權，卽將才兵食贊畫當先。一至有急，動曰無將、無兵、無食。譬之臨渴而掘井，渴未易解矣。已病而求艾，病未易療矣。其十餘年處心積慮，果用之何所乎？是時行者無一事不欺君而於邊事尤欺之，甚無一事不誤國而於邊事尤誤之。甚所宜亟罷者也。臣猶有獻焉。昔吳請成於越，勾踐欲許之。范蠡不可而竟以滅吳，成霸楚。求和於漢，高帝欲許之。張良不可而竟以滅楚。稱帝今督撫圖

爲苟且之計皆以獻覈悔罪爲請適中科臣侯先春
之言誓不與此賊俱生也豈可計出越漢下耶故曰
需者事之賊又曰當斷不斷反受其亂正此之謂矣
伏乞 皇上無忘臥薪之志無懷處堂之安特簡不
二心之臣熊羆之士朝夕計議征剿以振國威以保
境土則宗社幸甚生民幸甚

申飭輔臣戒欺罔倡忠直疏

劉應秋

南京國子監司業
萬曆十八年十月

臣連閱邸報達虜內犯我師屢敗關陝危急西北震
恐陛下爲之食不甘味聽朝不怡大臣憂懼不知
所出屬者特命經畧尚書行邊一切簡將募兵攻守
之策臺省諸臣言之已具臣本儒臣不宜越俎而談
軍旅又惟兵難遑度何敢以國事爲嘗顧臣自有知
以來習聞事君勿欺之訓際此君憂臣辱之時亦竊
有大馬報主之誠是敢披肝陳悃布其所鬱憤而不

能解者臣項見報七月二十六日 皇上御門視事
畢召輔臣申時行等面諮邊事臣不勝竦躍欣幸以
爲 皇上英明聖武比德 世皇而輔臣時行不務
攄誠謀國專事蒙蔽律以勿欺之義臣心甚有所不
滿也夫虜賊大舉深入內地旣犯洮岷又迫臨鞏關
隴之間千里騷然覆軍殺將喪敗無算天下人心切
齒含憤恨不卽滅此而後朝食而時行巧爲飾說猶
曰搶番猶曰聲言內犯豈其洮河以內盡爲番地乎
其必長驅薄圻如嘉靖庚戌故事而後稱爲內犯乎

曾不可以欺三尺之童而欲以欺陛下也此而可欺孰不可欺臣之所未解也邊臣之養寇已久其釀禍已深于昔日猶爲未形之變在今日則爲切膚之憂時行身爲元輔久操太阿不能察奸銷萌旣無逃于已事之誤矣陛下赫然震怒欲從吏議寘失事者于法壯國威而勵士氣此一時也時行不務持正又從而曲庇之乎廢祖宗之憲而寒義勇之心萬一虜勢叵測後患莫支必有執黨蔽誤國之說以攻時行時行將何辭以謝人言恐亦非時行之福也豈

其溺于寵利而識不及此耶臣之所未解也宰相者
天子所與託腹心而共理者也旒黈以前睹聽有所
不及璫厦之上智慮有所未周所以通壅蔽而開忠
讜亦惟二三輔臣是望輔臣而先爲隱蔽也其何責
于庶僚卽如近日虜情有按臣疏而督撫不以聞者
有邊警至而樞臣不以上者彼其習見廟堂之上喜
聞捷而諱言敗內外相蒙恬不爲怪欺匿之端自輔
臣始況時行固顯導之也腹心之謂何忍于負陛
下如此也臣之所未解也今天下國勢雖未太弱而

人心委靡極矣陵夷之漸兆形已見 陛下勞心焦
思規恢長策輔臣亦宜開誠絕鄙擇賢自輔以作天
下豪傑之氣而特行引用私交惡人異已固已拒賢
者于千里之外聞有以藥言進者又或口善而心譏
貌合而中疑陽是其言而陰疎其身至其爲國家謀
乃不過媚虜之正策習彌縫之故智天威不奮人
心解體天下後世謂 陛下爲何如主狡虜有知益
且輕中國無人厝火積薪又重加之猶謂處堂爲無
傷乎 臣之所未解也人心邪正卽爲士風士風高下

關乎氣運說者謂嘉隆至今士風蓋三變矣一變于嚴嵩之黷賄而士化爲貪再變于居正之專擅而士競于險至于今外逃貪黷之名而頑夫債帥多出門下矣陽避專擅之迹而芒刃斧斤倒持手中矣威福之權潛移其向憎愛之的明示之趨欲天下無靡不可得也卽如時行昨所奏對舉朝誰不心知其謾而莫敢一言以矯其失此非牽于寵倖之私愛則必怵于擠陷之積威也臣恐人心之日靡靡而天下亂也臣之所深憂也夫時行溫溫雅度人所易與材力有

能有不能臣亦不敢過求顧獨以爲不欺一念中人
皆可以自盡 陛下試問時行退思躬省倘亦有不
安于心否乎有如翻然愧悟易慮改弦絕欺謾之陰
私逐壅蔽之羣黨洗心奉公銳意振刷卽才力容有
未逮天下豪傑必有傾心而樂爲助者如其不能亦
宜明不可則止之義舉賢者以自代利歸宗社身有
餘寵無徒依違觀望釀大患而誤國家次輔王錫爵
陛下固望其竭忠贊襄勉留數四錫爵亦似以忠直
自命 臣意其感激殊遇奮濟時艱必有過于時行者

錫爵而廊然公聽盡去私昵有所以副人望也則可
第如今日以前故事則時行固亦辦之矣何以錫爵
爲也臣狂愚不識忌諱一言有當乞 陛下切責輔

臣以勿欺而許其改圖自贖庶幾人心服而士風正
法紀肅而威令行內尊外寧社稷之福也臣之願也
其以臣之言爲謬妄爲誹謗而顯斥生死之臣亦何

恨惟 聖心加察焉

權奸植黨壅蔽欺君乞賜罷斥以清政本疏

李

琯

福建按察司僉事
萬曆十九年七月

臣伏讀祖訓內一款曰凡廣耳目不偏聽所以通壅蔽而達下情也今後大小官員併百工技藝之人應有可言之事許直至御前奏聞其言當理卽付所司施行諸衙門毋得阻滯違者卽同奸論又伏讀憲綱內一款曰凡風憲任綱紀之重爲耳目之司內外官員但有不公不法等事在內從監察御史在外從按察司從公糾舉臣常謂二者言雖異而意相發也

祖宗之意蓋恐朝廷之上或有大奸大惡壅蔽欺君而上不聞故令大小官員直言而百工技藝猶得以言之在內御史直言而在外按察司猶得以言之庶皇上之耳目可以兼聽竝觀而臣下之專恣不致吞舟漏網耳先臣吳廷舉胡世寧俱按察司官得以發劉瑾宸蒙之罪則今日之權奸如大學士申時行者原其心可謂壅蔽之甚跡其行可謂不公不法之尤臣不避斧越之誅而冒死言之可乎壽宮 皇上龍體萬年之所藏聖子神孫統業之所基也先是部臣

江東之李植言之猶曰形勝之不佳玄宮之有石而
已以故舉朝臣工和附時行攻之使去萬曆十七年
十月內臣補官在京適廣東歲貢今選鹽城縣儒學
訓導龐尙鴻親見玄宮有水已具疏投之通政司矣
申時行聞之恐疏入京皇上震怒密令通政司寢其
疏而延龐尙鴻于私宅禮之上賓以緘其口此龐尙
鴻親對臣言其疏尙在通政司可檢而查者夫人子
有擔石之儲爲父母擇地猶恐有水蟻之患況時行
受皇上恩寵獨冠百僚迺以有水之地爲皇上

萬年之計且令通政司阻滯龐尙鴻之疏不得奏聞
是可忍也孰不可忍也此其欺蔽之罪一 皇長子
聰明仁孝倫序當立萬曆十四年春因科臣姜應麟
之言已奉有明旨也時行輒號於人曰 皇上意欲
易儲非力爭之無以定國以故大小臣工信時行之
言而請立之疏相繼不止蓋大小臣工固忠於 皇
上之心而不知爲時行所賣也時行之心何心哉蓋
以 皇長子之立出自 皇上則已不見功出自時
行等之所請則他日必有以擁立之功歸之時行者

夫人臣善則稱君過則歸已時行奉有明旨猶然若
故紙不足信必欲皇長子之立出於已之奏請而
後已即使皇上之心不自於天下而時行之恩廕
可冀於後日是可爲也孰不可爲也此其欺蔽之罪
二萬曆十八年正月元旦皇上特賜召見大小臣
工莫不以爲輔臣時行當有嘉謀喜猷入告於我后
也迺因雒于仁之疏請皇上諭其過直遂請勅諭以
禁言官故皇上必以時行之請爲雒于仁之疏故也
不知是時臣補官在京部臣趙南星科臣王繼光萬

自約等交章指摘科場併論吳時來黨惡之奸時行等方恨趙南星等暗發子壻私中之弊而吳時來又時行之所德者以故請勅諭以禁止之蓋欲皇上受拒諫之名而在已免指摘之實也查之我朝假勅諭以禁言官凡三一劉瑾一張居正一今日之事是已此其欺蔽之罪二凡大小臣工章奏朝上夕下所以防壅蔽達下情也臣聞司業劉應秋御史章守誠主事蔡時鼎俱先後開列時行罪狀以聞迺竟留中不下疏中所言臣固不知其何如但言而是也則當

與天下共逐時行以正誤國之罪言而非也則當與天下共逐劉應秋等以正妄言之罪未有兩可而俱存者且內外臣工嘗有言皇上內操者有言

皇上織造者有言皇上喜怒或偏者疏少留中時行屢具揭以爲請今言及時行迺交通左右阻格而不行是使皇上受留滯之名而在已得免過惡之播也昔張居正擅權專恣諸臣彈章尙不敢留一於中而今時行之所爲益又甚已此其欺蔽之罪四御史李用中論時行子申用嘉冒籍之罪皇上以爲

與自南而北者不同不知冒籍不獨時行之子已也其壻李世榮吳人也亦縱冒涿州衛指揮李鶴之籍改名李鴻寅緣納監明爲自南而北李鶴今且寅緣轉守備矣戊子順天之鄉試也李鴻之卷沈璟爲之分閱語考官進士汪讓曰此申相公廼壻李鴻之卷璟同府人不便於中強注讓爲之代取汪讓不得已而取之遂中順天鄉試是縱子壻之冒籍其罪旣浮于史鈎縱子壻之私中其罪又甚于翟鸞翟鸞旣蒙顯罰史鈎亦已落職而申時行獨倚顏以安其位乎

此其欺蔽之罪五家人宋九原以按獻入者頗知詩
文善通賄賂時行恃爲牙爪記之腹心縱容出入禁
地察皇上之動靜交結士夫受中外之貨賄且納
京衛經歷未嘗一日歷俸而父母資緣竟得雙封夫
封典皇上所以待賢能課功績也宋九以廝養賤
隸濫廁冠裳之列已爲過分況一日之俸未歷而父
母得受封典是城狐社鼠之權旣過於嚴嵩之鶴山
而怙勢納賄之弊又甚於居正之尤七尤七旣正典
刑鶴山亦已遣戍而宋九獨何恃以逭其罪乎此其

欺蔽之罪六。部光先原張居正之私人也。巡按湖廣
首建廢遼府之議。以致遼藩廢絕而不祀。此其罪不
容誅者。時行受數十萬金之餽。起光先於家中而授
之以總制之權。令其得借路搶。曾致火真盤據於兩
川之中。昨歲臨洮之事。幾敗而不可爲。臣爲御史時
嘗有邊疏。已言甘肅遼東十年之後。將大壞而不可
支者。蓋亦預見及此耳。人知敗壞邊事爲部光先而
不知禍本實時行也。此其欺蔽之罪七。遼東孤懸。將
來受禍不減臨洮。萬曆十七年九月內。屬夷長昂內

犯李成梁選鋒沒於陣者八百人其子李如松亦幾不免此舉朝之所知也李成梁輦金數萬納之時行竟匿不聞且以奏捷議賞矣臣恐今日之遼東必爲後日之臨洮人知隱匿敗衄爲李成梁而不知主計實時行也此其欺蔽之罪八宋纁尙書中之清正者也而何以告病張養蒙都給事中之忠鯁者也而何以外陞蓋巡撫秦耀時行之素相交結者而宋纁議罷臣事高桂時行之最所仇恨者而宋纁議用以故假詹事府註官之誤而時行特疏救正倡爲驚愕之

說使宋纁不得以安其位必令鬱鬱死而後已然後
可以遂其予奪之私若果心在救正也則當時楊魏
之任吏部假官假吏動至數千何不一疏以救正之
乎是陰擠宋纁而實爲秦耀報怨也徐泰時原任工
部郎中管理工程賊私何止數萬時行爲之內親知
張養蒙欲言託相知者爲之求解張養蒙不從抗疏
直數其罪徐泰時遂奉旨回籍聽勘時行心甚銜之
無由報復科臣告假列不作缺歲例挨俸應科臣張
希臯外補時行遂創爲告假作缺之說必欲張養蒙

外補而後已若告假果當作缺則張養蒙未陞之先
何不申明此例乎是陰黜張美蒙而實爲徐時泰復
仇也擅皇上之威以行一己之胸臆此其欺蔽之
罪九胡維新奉旨方聽勘也而何以遽起用李時芳
等奉旨方提問也而何以遽免勘蓋聞胡維新昔年
任雲南時進表入京奉珠寶金帛以爲時行餽不止
數千時行心甚德之以故胡維新初經撫按之論奉有
明旨時行亦視如弁髦而不之顧也沐昌祚恐李時
孝等勘問得眞罪恐不測以故齎載金珠寶玉以進

時行不止數萬時行遂乘緬會之稱亂置李時孝等之罪於不問臣恐沐昌祚之雄心自此起已以故李時孝等雖經撫按之論奉有明旨時行視若槩屣而不之重也變朝廷之法令以遂一口之貪黷此其欺蔽之罪十至於舉枉錯直鬻爵賣官受張嗣修之厚賂而令蔡御史爲之求釋結馮保之讐知而令通政司爲之代奏其罪有未可以擢髮數者臣又不能一一論也夫時行首膺皇上之眷獨受特達之知卽潔已奉公矢心一志臣猶以爲不足報皇上於萬

一廼原其心無一念而不欺君蔽上跡其行無一事
而非不公不法且臣讀時行之疏有曰壽宮吉典也
則以危言中臣科場大器也則以私意窺臣邊鎮重
計也則以和議擯臣取受大節也則以賊穢污臣何
其敢於妄言而欺一世之無人哉臣叨風憲耻居吳
廷舉胡世寧之後恐蹈附會奸人之罪敢違祖訓
悖憲綱而不爲皇上一直言之乎臣謂乙酉以前
時行猶在押之鼠尙歛縮而不取爲乙酉以後時行
猶負隅之虎廼暴戾而不可犯所以然者何哉以大

學士王錫爵爲之黨也王錫爵不附居正雅負時名
皇上因人言屢荐起自家食臣意錫爵不知當何如
以報皇上也迺感時行援引之私情過於皇上
起用之特眷一入其黨輒爲破敵摧鋒之謀是心果
何心哉臣請數其事而責之臣宮之事江東之李植
已常有言若非錫爵攻之於先則舉朝之臣未必附
和而皇上之轉移未可知也今龐尙鴻親見玄宮
有水欲置皇上萬年於何地乎此忽國家之大計
爲報時行之首功急私恩而忘公義是昧君臣之倫

矣女爲妖蛇所污遂致幻化錫爵欲爲掩飾之計作
墨陽子傳以簧鼓人心且建祠奉祀自稱曰奉道第
子古來無臣父之君今則有師女之相敗俗傷風綱
常倒置是紊父子之倫矣吳中行等莫逆之友也平
居冀其推轂交好不絕今談其往來之書猶然成帙
一行入相輒出八不平疏以排之錫爵未起時每姍
笑時行所爲及有拜相之命遂相依附曲意以事之
何情狀之反覆如此也居正私中諸子錫爵曾爲唾
罵今身爲宰執子中解元人言稍及輒憤怒跳叫必

廷杖之而後已甚至怨父母呼天地誓鬼神恨不得
食言者之肉不知其子王衡之卷黃洪憲親授之鄒
德泳鄒德泳爭之不可得而中之欲蓋彌彰肺腑洞
見何心事之變幻如此也公一揚行賄求用假託建
言然豈無因而至前哉錫爵論之是矣而其心則非
也蓋錫爵與時行每爲建言者發其罪狀攻擊無地
欲陰排之而不可得今公一揚行賄建言以之聞於
皇上使皇上疑之曰建言之人類非正人如此
皇上疑其人而不行其言則錫爵與時行雖指鹿爲

馬而人莫敢言其非者陽爲發奸之狀陰爲一網之圖何計術之狡詐如此也是錫爵者各爲皇上股肱心膂之臣實則時行子弟奴僕之役臣不意錫爵素負意氣迺一旦敗壞至此竊深痛之惜之夫惟錫爵爵之敢於恣睢不逞是以時行之敢於肆行無忌一剛一柔同惡相濟一暴一險兩奸共成以林甫之奸而又遇以安石之詐則凡欺君罔上何忍而不爲亦何人而敢犯其鋒哉故居正欺皇上於冲齡之日罪固不可原錫爵時行欺皇上於攬權之時罪尤

不可赦且明知壽宮有水每遇 皇上臨幸潛令管
工員役以炭火烘之數日而後已 皇上立於玄宮
之中以爲煖氣薰蒸而不知實火氣薰蒸也此與丁
謂之包藏禍心者何以異哉 臣非不知言出而不測
之禍隨但君臣之義等於天地報德之私莫如盡言
而壽宮一事尤不忍置 皇上萬年於有水之地倘
臣言得蒙 皇上鑒察不至爲權奸所蔽是 臣之死
猶榮於生伏乞 皇上檢通政司龐尙鴻之疏親賜
睿覽下 臣論時行錫爵之章待其自辨如果一字虛

妄甘受欺肆之誅如果言不謬乞皇上大奮乾
剛亟將申時行王錫爵罷斥以正其欺蔽之奸申用
嘉王衡李鴻除名以正其詐冒之罪庶政本爲之一
清而治安可以常保矣

皇儲冊立尚虛輔臣奸計可據疏

黃正賓

武英殿中書

萬曆十九年八月

今日國家之事無如冊立 皇太子一事往者 聖
明下詔長幼之序已定大小諸臣謂拭目可觀盛典
無用此紛紛之議爲也迺于本月二十二日接邸報
見工部主事張有德以冊立儀物爲請竊謂大臣未
言而小臣言之明君有心而賢相贊之何其美也復
于本日見工部尙書曾同亨禮科給事中羅大紘等
連章累請大都罪小臣之躁成 皇上之信何其公

疏鈔

發奸

六十一

也。顧諸臣之請有奏本而無揭帖，惟閣臣之請有公
奏而更有密揭，以閣臣出入帷幄，得與聞國家機密
故耳。然覩申時行所進揭帖與所奏本大是矛盾，臣
反覆詳參，不勝駭異。請誅其心，正言無諱。閣臣奏議
必次序書名，我國家設立政府以來，未有此甲而
彼乙者。廼時行之揭曰：中書官抄送揭帖，猶列臣名
于首，不勝跼蹐。此何心也？國家事無巨細，悉資政府
之議，而極重于元輔六部九卿之事，猶竊攬其威福
萬一緣抱病而不及請教，未有不以怒相加者。如吏

部尚書宋纁陞劉文澗故事可知也況以冊立盛典
建議有年時行不致廢耳目謂未嘗聞且見之將誰
欺乎乃時行之揭曰臣自抱病以來不復與聞政事
近日稟擬茫無所知此何心也往歲明旨已定朝
野欣欣諸司百執事唯有翹首樂觀盛典陛下試
問時行聖壽未祝之前有誰小臣妄窺聖意煩
言欲奏者乎迺時行之揭曰每見諸司但有言及輒
諭止之此何心也計曰冊立一事舉朝紛紛臣以一
人獨持其衡蓋明知之而明止之也顯以能止之功

邀我皇上也。自來股肱耳目比于四隣同心一德事乃有濟。有如昨者奏請冊立之事。閣中平時有議者必無人心而後可。乃時行之揭曰。臣在閣時同官未嘗言及。亦以爲未可。此何心也。計曰。今日之奏。兩輔臣冒昧犯上。不以容臣若容臣。臣必力止之。如諭止諸司者。蓋明止之而明罪之也。惟知排擠兩輔臣而不計其言之醜狀。一至如此也。夫聖心已定。明旨昭然。請候冊立。元輔旣已抱病。責在兩輔臣。卽如前日一疏。臣猶議兩輔臣不能免于後時之愆。乃

時行之揭曰輒隨小臣之後冒瀆聖聽等語果如時行之爲計時行老于政府則自今以後將終無奏請之日乎其計之詐而辱閣臣欺皇上蔑大計極矣時行至此尚得有人心乎往時諸臣論時行者以賊私圖一身一家之計而壞其生平猶可解也臣所論時行者以國本藐宗社生靈之計而固其官爵不可追也皇上聰明睿智獨奈何爲時行所蔽意以祖宗數百年之命脉而消磨于時行奸詭之謀乎皇上有必于宗社國家則知時行者不容一日而不

去以儆相臣之邪者也

險臣私揭欺君蓄心叵測懇乞燭斷罷斥疏

羅大紘

禮部給事中
萬曆十九年九月

臣于本月二十二日本科見內閣所下久病大學士
申時行密揭辨明閣臣奏章不宜列名辭甚悉至於
近事漫無可否但云社稷至計裁自宸衷毋惑羣言
奉聞聖旨覽卿所奏朕已悉知建儲之事已有旨了
卿可安心調理卽出贊襄以解朕望思至意欽此未
幾科吏白時行遣人取回原揭臣甚驚駭執留未許
及吏言時行欲覲御札卽時齎還臣受事不久未諳

故事狐疑許之終不自安乃至渝日稽留科臣造門
索之斥拒弗授臣始倉皇無據甚悔其執之之爲是
而許之之爲非也夫神物潛淵則珠貝不採巨獸伏
山則林木不伐誠憚之也況紫禁邃密青瑣森嚴

陛下不以臣不肖承乏茲任而任奸人肆其窺覲綸

音漏於薇垣臣甚耻之臣奉職無狀罪譴何辭除臣

席藁待罪外照得時行少登巍科驟歷台輔淹至九
載寵遇非常制科蔭典延及子孫其受國家之恩隆
天厚地不足以喻也時行焦心癘骨思圖報稱尤不

能得其萬一。況懷二心。犯無將庸臣賤吏。顧忌不明者。而時行甘心焉。此不可解也。時行生平罪狀。以臣觀聞。有不忍言者矣。有不敢言者矣。又有不屑言者矣。臣獨以彼密奏觀焉。則志非納約。意在藏奸。支遁其辭。以賣友。隱秘其語。以誤君。時行身雖在告。而殿閣之籍未除也。凡翰林改除之奏。時行職名儼然首列。彼固未嘗以爲弗是也。何獨建儲一牘。深避如此。且人臣事君。同功則讓。同過則分。縱陛下赫然震怒。加閣臣以不測之威。時行尤當匍匐而起。免冠負

鎖爲二臣請罪。泥。陛下未嘗震怒無不測之威有
轉圜之意。而時行數語。反以阻塞。睿聰別異。寅恭
苟自獻其乞憐之術。而寔以遏。主上悔悟之萌。此
臣之所大恨也。假令閣臣得請。將行慶典。而恩澤加
焉。時行抑辨之乎。抑不辨乎。而時行又曲爲之說。以
解於人曰。恐上見已之名。有妨冊立。是。陛下有腹
心之托。而時行懷仇讐之疑。彼旣疑。陛下矣。孰不
可忍也。誠如所云。衆人耳目。亦自照然。若別白黑。何
必欺罔爲魑魅之術哉。此誠不可解也。是徒飾說。以

欺全軀保妻子之臣而陛下不可欺天下鬼神與
九廟之靈不可欺也時行私心惟以蚤建聖儲爲
天下臣庶之願而妄意陛下牽係欲遲故陽附和
乎羣臣請立之議而陰緩其事以別取乎內交之計
使請之而得則其陽之說行而明居勞於羽翼請之
而不得則其陰之說行而暗功於僥倖蓋時行之窺
陛下甚微而所以取之者甚巧也其操此術愚弄一
世久矣是惡浮於匈奴而倭寇不足毒也傳曰見無
禮於君者誅之如鷹鷂之逐鳥雀也時行之無禮甚

矣至大不敬矣。陛下尚復寬而不誅將見高廟
神靈遺屬鬼奪時行之魄磔裂於冥市使與窮奇
梟盧祀秦檜之流雜其骨而和其血封以穢土爲奸
臣京觀耳誠使聖德弘深過於優容亦宜罷去不
當復令在位臣請覓其說本朝輔臣之專且久者有
三人宣正間無如楊士奇然當士奇在位其子楊稷
得罪爲法受戮嘉靖間無如嚴嵩其子世蕃誅斬於
市近日無如張居正居正死其子敬修迫辱自縊夫
士奇之度至遠也有功於當時至巨也其奉公至清

且慎也。嵩之寵至優渥也。居正之自任至無所讓也。然皆不免於難。何則？勢盈者忌，機深者危，能薄而寵祿浮者，傾時行權寵方比三臣然。計功度德，不能百一於士奇，而富倍於嚴嵩，過深於居正，有識之士皆爲寒心。而時行猶貪陛下之寵，戀少師之尊，僥不必然之幸，恐其禍不溢於三相不止也。臣聞輔相以補衮闕，理陰陽，進賢才，安百姓，填撫四夷爲職。今水旱頻仍，虜倭交動，天災屢警，人心幾搖，相職安在哉？且聽房、寰之蕪說，則正人屈而邪人伸，狗彘之險。

辭則功臣寃而貪臣橫用楊文舉以賑荒而縱肆病
民用鄭洛以營邊而柔佞養寇此亦可明輔相之不
道矣然且乞哀萬狀計留百端亦大亡耻矣使時行
復出不知其廊廟俯仰何以爲顏縉紳談語何以爲
辭服緋係玉何以爲容其悅素餐何以爲心夫一奏
牘耳尙且掩護隱避安望其南畫倭北策虜而贊隆
平之治哉夫投揭則誤國匿旨則欺君論其勢則過
盈課其能則無功誤國宜罷欺君宜罷過盈宜罷無
功亦宜罷伏惟陛下察時行之多端罪臣職之失

守將臣與時行歲併罷斥以嚴重紀綱之地然後慎
選三事憂勞四方以圖萬世之安臣紘本志惟願論
思軒虞獻納姬孔而遭遇如此臣甚恨之然忘身以
徇法亦臣之所不辭也臣無任惶悚待命之至

輔臣假託威權縱奸回逐異已疏

安希范

南京吏部主事
萬曆二十一年十二月

臣竊惟古今治亂之關進賢退不肖兩端而已伏觀近年以來正直老成之臣不安于位敢言秉正之士削跡于朝讒邪諂媚之徒接踵于國私憂過計不忍以一身利害得失之故不一效忠乎 皇上者夫趙南星孟化鯉銓臣之秉公持正非若劉希孟謝廷宋諸人依阿納賂輿論稱賢者舉次第屏斥天下共惜而疑之趙用賢悔婚一事雖出于絕惡之過然其人

品之正天下皆知其賢止以吳鎮豎子一疏一請而
歸使楊應宿鄭材得窺意指交疏攻擊天下又共惜
而疑之至如孫鑰之清修公正李世達之練達剛明
李禎之孤介廉方雖才品不同皆部院諸臣中所稱
爲正人君子者鑰與世達先後去國禎不堪小人罵
詈累疏乞休天下又共惜而疑之夫天下共惜者諸
臣之賢而不能竟其用也天下共疑者疑閣臣之妬
使不得竟其用也近見行人高攀龍一疏深惜諸賢
之去斥彼陰邪之謀正直和平竊以爲此皇上之

忠臣亦輔臣之誨友可冀 皇上霽威而從諫閣臣
革面而回心及見應宿辨疏塗面喪心黨邪害正虛
詞橫詆盛氣盈牘借忌諱之名以激 皇上之怒爲
一網之計以結閣臣之心疲狗孽狐無復人理叅之
公論無不切齒竊謂國是所重竄而蒙明旨着部科
勘問 臣尤竊計或者 皇上欲以舉朝公論明正應
宿之罪使奸狀昭著明白以服人心以杜其黨耳續
接邸報見部院覆疏雖不能不是攀龍不斥應宿而
議處之間人情殊未痛快伏讀明旨則應宿僅從薄

謫攀龍反蒙重斥至是而人心公論不能不疑且惜不能無責備于閣臣矣夫閣臣之職輔皇上以宰制天下天下之事孰大于進賢退不肖者今賢者以其異已而必欲斥之不肖者以其媚已而必曲宥之塞衆正之途開羣枉之路誤國不忠無大于此者閣臣之自文必曰諸臣處分皆出明旨無論閣臣以票旨爲職不能欺天下之共知卽出宸斷獨裁閣臣受腹心之托獨不能效回天之力乎以爲出自聖裁則閣臣坐視皇上之過已乏弼違補袞之忠果出

于稟擬則挾稟旨之權陰快私忿而歸過君父不忠之尤者也雖或降斥之後陰爲申救欲以愚天下之耳目而不知肺肝之露昭昭睹聞誰可欺乎 皇上威福之權爲閣臣假借一至于此臣恐將來奸黨盤結正士屏跡國家之禍不可勝言虎豹九閭誰復肯爲 皇上明言利害顯斥奸回乎臣目擊心憂不勝痛哭流涕明旨又謂臣等時事艱難民生困苦建言者何不講求理財足兵等項實政乃專聞是非夫大學論平天下之道惓惓辨別于有容媚嫉之臣以爲

子孫黎民利殆之本而理財之末深著用小人之禍
至于萬害竝至雖有善者無如之何豈不以天下之
禍成于小人之得志起于正士之遠跡而正士之遠
跡由于大臣之媚嫉深切著明千古龜鑑是非不明
舉錯失當小人朋興用以理財則借口于不加賦之
說而剝民脂膏用以足兵則僥倖于不可必之功而
塗民肝腦釀禍積害必至于不可收拾豈有是非不
明而可用人豈有用人不當而可足食足兵者乎臣
以爲必是非明而後邪不得害正大臣無所容其私

而小人不得行其媚然後擇廉貞之士以理財則苞
苴不入于權門而國賦自充民生不困擇廉勇之將
以治兵則賄賂不交于政府而軍餉不尅民力自強
臣以爲理財足兵計係于閣臣一念公私之間豈必
青苗變法熙河奏績哉再照吳弘濟一疏辨別君子
小人洞悉肺腑明于蒼素乃不蒙採納反遭斥逐總
之觸閣臣之忿悞成皇上之過舉耳夫攀龍弘濟
相繼得罪臣言盡出其罪豈出二臣之下但臣之所
惜不爲二臣直恐忠直蒙辜天下之君子相率而退

諂邪輕縱天下之小人相率而進夫君子皆退小人
皆進誰爲受其禍也哉臣之所以冒罪而願效愚忠
者以此伏乞 皇上將楊應宿削籍并斥鄭材以爲
小人媚竈之戒攀龍弘濟復其原職以獎忠賢并乞
嚴諭閣臣王錫爵無挾私心無植私黨無以直言而
逆耳無以媚已而悅心秉公效忠斥邪扶正則 聖
德光于日月久安長治可翹首跂足而待矣

亟削奸臣以圖太平疏

樂元聲

工部郎中
萬曆二十四年五月

臣嘗觀自古宗廟社稷之奠安全賴於臣聖王當
機之一怒而敵國外患之侮亂禍起于奸臣臨陣而
議和如吳之伯嚭宋之秦檜真爲千古敗亡炯鑑豈
料我朝二百年來復有賣國奸臣昏迷不變如石
星其人者陛下何不赫然震怒乃尙可與此人共
謀宗廟社稷安危也臣不勝痛哭流涕爲陛下言
臣不病狂且焦死與石星等耳石星擔當關白封事

專一欺罔壅蔽

聖聰貽禍社稷

臣

故不忍

陛下

聰明聖智甘爲賣國奸臣所終悞而輕易其宗廟社稷之慮故敢畧粗述其欺罔顛末如關白初亂禍始朝鮮征兵請餉百無一濟辱國損威禍有百端初遣祖承訓全軍覆沒一辱也再遣李如松碧蹄橫潰二辱也三壞于宋應昌密謀受和三辱也此三辱者石星遺中國之大羞也陛下何不赫然震怒乃尚可與此人共謀宗廟社稷安危耶惟是三辱不羞遂生四耻小西飛過闕不下耻一石星卑詞厚贈耻二沈

惟敬主盟赴約耻三李宗城黃夜逃死耻四此四耻者又石星遺中國之大羞也 陛下何不赫然震怒

乃尚可與此人共謀宗廟社稷安危耶豈惟四耻兼有五恨石星用心腹劉肖海購買蟒衣金幣賫送關白者無筭市買通知一可恨用亡命沈惟敬挑選戰馬三百餘匹賫送關白渡海不返二可恨用密謀楊方亨捏寫軍情至與撫按揭報互有異同欺蔽顯然三可恨撤劉綎甲兵自失我軍節制四可恨諸龍光死南兵殺王保復用五可恨此五恨者石星遺中國

之大羞也。陛下何不赫然震怒，尚可與此人共謀宗廟社稷安危耶？惟是五恨不戒，且有五難。五難者：何卽近日李宗城所揭報要求七事。臣聞其五未聞其二者也。彼倭奴且以金幣要我，我不能飽犬羊無厭之欲；一難。彼倭奴且以割地朝鮮要我，我不能救援而矢以與狄，則唇亡齒寒之憂，我必不能免；二難。彼倭奴且以貢要我，我必不許；彼借不許，貢爲兵端；三難。彼倭奴且以市要我，我必不許；彼將借不許，市爲兵端；四難。彼倭奴且以和親要我，我必不許；彼將

借不許和爲兵端五難此五難者又石星遺中國之
大羞也 陛下又何不赫然震怒尙可與此人共謀
宗廟社稷安危耶惟是五難不備必有五危有如倭
奴長驅朝鮮朝鮮自度不支旦暮稱降則藩籬危有
如倭奴逞兵鴨綠窺伺遼左攻我無備則屏翰危有
如倭奴廣捲直沽漂泊天津震動畿內則肘腋危
有如倭奴東寇登萊阨塞要害伺我糧道則咽喉危
有如倭奴鳥舉城下所向螫毒束手失策則社稷危
此五危也卽誅戮石星悔且無及矣 陛下何不赫

然震怒尚可與此人共謀 宗廟社稷安危耶長安
傳聞更多駭異謂關白用通事閩人婁國安携金二
萬真珠二囊珊瑚十七枝賫送石星石星亦以金幣
厚相酬餽而沈惟敬則併 大明一統志賫送關白
且惟敬誘帶長安歌童舞女數十輩隨行用媚關白
搥搥之議者滿長安豈絕無影響 祖宗朝有通倭
奸臣胡惟庸 陛下朝有通倭奸臣石星 祖訓凜
然殷鑒不遠卽今舉朝臣工大痛恨靡不欲斷石星
之首懸惟敬之頭而石星方朝進一言以請封已遣

言官及奉有明旨矣又暮進一言以請封又乞免
遣言官貌朝廷若兒戲玩臺省于掌股乃知石星
本意原不欲科臣往勘識破倭奴變亂虛實惟恐言
官以真實情形報陛下而乃欺爲反覆播弄之詞
明知而明欺陛下之不察石星奸而愚甚矣卽
陛下着九卿科道會議戰守明旨亦公然欺罔敢
于停閣支吾轉換僥倖爭旦夕之命貽社稷不拔
之憂堂堂天朝豈遂乏猛將謀臣爲陛下效死
力制關白生致闕下乃遲疑于奄奄腐鼠之石星

也然則石星者 雷霆之所必擊鬼神之所必祟義
士之所共逐 聖主之所不臣也 陛下又何不赫
然震怒尙可與此人共謀 宗廟社稷安危耶今日
計惟有哀乞 陛下痛念 社稷赫然震怒亟削奸
臣早罷封事急議戰守其戰守機宜帑上旣屬空談
目前又無應敵 陛下宜卽出 嚴旨急調劉綎
率數千疾起遼左屯兵鴨綠仍宜遣風力臺省一員
如梅國禎監軍寧夏事例以防欺蔽相機進止觀變
動靜如倭奴入犯朝鮮則綎當提應敵之兵併將力

遼陽首尾聲援方爲有制豈可因祖承訓浪戰遂爲
鑒戒如倭奴未離巢穴則劉綎當與問罪之師號召
朝鮮聲罪致討原非無名又豈可止諉罪于統絳之
李宗城含垢忍耻而畧不知報也而又急補廉幹有
識之將如蕭如薰安置畿輔以備緩急至于近日督
撫孫鑛議調南兵數千仍恐積怨之衆未必致死而
殺軍故將豈能卒復則王保者尤宜早爲更置以防
意外倒戈不測之虞且恐南兵解體誰復應 陛下
募出百死一生之力以掃此猖獗之寇使倭奴不敢

窺遼陽左足乎

臣

焦心勞思莫知所措痛哭流涕京

告 陛下一字快

主何煩多詞三疏不行惟有泣

血萬一

陛下再不亟行

臣

言乞

勅下九卿科道

一併會議仍乞勅問九卿科道因何停閣

明旨至

今不行會議

臣

忠憤迫切毫無嫌怨顧避隻語若欺

臣

甘誅戮

臣

無任激切侍

命之至

國事紛紜權奸煽弄乞折邪萌以遏亂源疏

劉元珍

總補南京兵部郎中
萬曆三十三年六月

臣聞國家所以常治而無亂者良由正氣伸而邪類
絀也朝廷磨礪一世所能伸正而絀邪者則以端揆
大臣無樹私交無作好惡無或朦上而箝下彰善癉
惡一切聽之公評而佐天子持衡焉明示奸邪不可
幾幸使人務節誼而重廉耻于是乎君子道長而泰
道隆矣不意今日乃有徧置私人朦上箝下如首輔
沈一貫其人者又不意有奸險異常頑鈍無耻如刑

科給事中錢夢臯其人者臣請直爲皇上陳之夫

夢臯之爲人臣無暇毛舉癥索跡其推年例而妄奏

求容顯露乞憐之狀掛察典而乘機建議巧爲逃孽

之端羶慕一官壘斷如市已大爲士林所不齒矣迨

至兩蒙留用濫被殊恩因且蠱惑聖衷猜疑部院

併考察全疏亦中格矣臣省被察諸臣槩留中矣百

年希覲之異數突見于一朝國家代守之典章屑

越於今日玉石無分朝野駭聽衆口誼騰僉謂夢臯

之黨陰謀叵測將異日種種僥倖之門從此闢也甚

可慮也夫以夢臯其人進禮退義姑不可求脫其一
點羞惡之心未盡泯滅亦宜知覆轍之難持驚彈射
而斂迹胡乃猖狂自恣無人臣禮甫乞休而卽圖報
復竟難忍於須臾屢建議而轉作風波動駕言于楚
事含沙反射假公濟私愈逞愈多蔓衍何極道路側
目僉謂夢臯之黨機鋒叵測將異日種種傾危之隙
從此開也甚可畏也夫使政本之地不私一人則奸
慝無壅於上聞邪謀亦安能下逞乃元輔沈一貫實
爲戎首矣一貫自秉政以來曾不聞佐輔皇上救

生靈於塗炭者何事、又不聞仰承 德意起忠良於
擯厄者何人、輿論業已薄之、至年來嫉視善類、比暱
僉人乖謬尤甚、卽如近考察一事、皇上豈有愛於
夢臯而故暱之、又豈有私於臺省諸臣而獨寬之、乃
一貫首典樞機、漫無隻語救正、繁言嘖嘖、僉謂此舉
原非出 皇上本心、蓋由一貫曲庇私人爲術甚巧、
內則假公以朦上、外則挾威以箝下、旣借 皇上之
權以伸其意、復竊 皇上之德以固其交、頓令百年
鉅典忽焉決裂、而 皇上顧獨任其咎、一貫生平機

械畢露於此夫以輔弼之臣不能導 皇上驅逐羣
邪廓清仕路而反以身爲叢奸聚慝之囚使守法者
抑勒無聊席與者高張無忌將來誰肯爲 皇上觸
權要持國是乎一貫徒欲自快而不知一時豪傑之
士漸將解體天下萬世具有清評卽百喙胡以解之
夫一貫之敢於欺罔如此敢犯清議而不顧如此況
有爲之鷹犬如夢臯其人者將何施而不可近見夢
臯諸疏無不橫恣胸臆以黨名人不思陰樹私交牢
營三窟者爲黨否則何黨乎炎燄競趨戈矛相借者

爲黨否則何黨乎躍治思化破旣求完者故不能無
黨否則安用黨乎夢臯身自爲黨而反以誣異已者
稍有建白卽以朋黨目之察其邪心必至于糞糞一
貫搏擊朝紳引用匪類使君子蒙剝膚之慘小人固
憑社之安然後顛倒縱橫無不如意欲僥倖則無所
不僥倖欲傾危則無所不傾危賢人遜而主勢孤
錮蔽深而上下隔私門熾而大柄移從古小人亂天
下率由斯路蓋未有不以朋黨之說先空善類而後
羣恣邪謀者危乎危乎堅冰之漸惡得不凜凜於今

日戴伏望皇上戒諭首輔一貫撤金鷲之藩籬除
門墻之荆棘休休樂善協恭和衷使部院諸臣各展
布其四體而密勿斟酌務廣集乎衆思勿復聽儉邪
策并釀釁無窮自貽後悔至於臺省諸臣之被察者
既經指摘就列何顏錢夢臯久干清議近見乖張尤
資笑柄況待補待選諸臣百倍夢臯者濟濟朝廷何
賴一夢臯顧必欲拂天下之公心爲此姑息之舉刻
印銷印聖心無我不過一轉移間而萬代瞻仰在
此舉矣臣雖南曹下吏感激聖恩每圖得報勉效

涓埃近者目擊時事所關治亂安危之窾會良非細
故敢稽公論特矢愚忠以獻幸 皇上自爲社稷計
少留意焉

奸佞首揆大肆欺罔誤君誤國疏

龐時雍

兵部武庫司主事
萬曆三十三年七月

臣少負忠義長懷獻納近竊祿郎署觀天道察人事
每中夜夙興危坐靜思報稱最大者無如爲朝廷除
奸佞安社稷當今奸佞孰有如大學士沈一貫者劉
元珍雖言未詳朱吾弼雖又言止及察事一件日望
台省諸臣昌言而卒重發致一貫不肯心折斥爲流
言臣不忍當斯世有君無臣不得不昧死一言臣念
皇上御宇以來首定國本兩進權相削平東倭西嘖

南播諸大難、斥高淮之要求而折其邪萌、制陳增之
死命而剪其黨羽、李三才屢進忠讜、雖未顯蒙加納、
而實陰用其言、終見眷留、九死之馮應京等一朝解
懸、俾獲披雲霧而覩天日、仁明英武、臣下莫能贊一
籌、柰皇上能爲堯舜、恨一貫不爲臯夔、流毒蒼赤、
貽禍國家、如溺如焚、卽濡首足焦毛髮以往、猶恐拯
救無及、而一貫且袖手以觀、談笑而道、漠然不加欣
戚於其心、臣於是義不與佞臣共戴天、思叩九閭
而請向方矣、自我皇上靜攝大內、天聽日高、說者

咸謂一貫爲之中梗臣猶未信自一貫辨論劉元珍
朱吾弼之疏一出奸佞肝膽始大敗露 皇上特未
之深察耳當元珍吾弼之叅論一貫也事關遂密有
無真僞 皇上自有洞鑑何必辨及蒼蒼皇皇章再
四止不勝其左支右吾捉襟見肘之狀欲飾辨以謝
人言愈有不可解者臣不敢摘隱亦不敢附響謹按
一貫先後所自陳者直指其欺罔之實 皇上試垂
聽焉一貫首疏謂 皇上每有格外舉動使已先受
無端猜疑臣一讀不勝愕然臣聞辨言亂政法古無

愆則格之不可屑越甚著如一貫出格之言是明謂
皇上悖成憲而亂舊章矣夫一貫位居保傅保者保
其身體傳者傳之德義一貫既稱 皇上舉動每出
格外則一貫數年來保且傳者安在也弗思補袞常
有後言不敬之大且曰無端猜疑 皇上實使受之
君臣一體之義抑又蕩然無餘矣欺罔一 皇上如
天地無私覆載日月無私照臨何常更設一心以待
部院及被察科臣錢慶臯但偶誤中伺者之術耳乃
一貫奏辨既不明言主察者之公私又不明言特留

者之當否第一則曰 皇上本心再則曰 皇上本
心致令無心失之者有心成之逃一己之謗掩 聖
主之明至無上矣欺罔二善歸君過歸己大義也一
貫佐理無狀人言嘖嘖乃諉之 皇上曰明示以釋
疑謗夫 皇上儼然至尊豈爲臣下分疑謗者幸蒙
皇上藏垢納污忻然舍已而降之溫綸臣子不難怙
寵以徼惠君父不難謙抑以包容叩之卽應捷於影
響真千古奇遇第恐一墮術中將匿形跡樹疑端操
鬻金而關天下之口國家事去矣旣暗竊君權以愚

天下復顯擅君權以亂天下欺罔三察事王筆一貫
自謂兵部尚書蕭大亨與吏部侍郎楊時喬兩票以
請夫大臣引君當道者也時喬請尚書之言是則宜
專票尚書往攝其言非則宜端票時喬管理豈不明
白正大何旣屬之此又屬之彼藏偏重之意於筆鋒
抑揚之間試 皇上從違以搖惑聖聽及有差池則
又曰某係 皇上之所允用某係 皇上之所不用
而與已無與也輔弼之道顧如是乎假令事機更有
要於此者如邊庭之款戰大禮大獄之可否倏忽而

關宗社之安危天下萬世之是非一貫亦將兩票以
諉其責於 皇上耶欺罔四當察疏之未下先傳宣
後勅諭大哉皇言人人頌揚不置第先傳未聞有洩
忿結黨豎權立威等語迨勅諭而始及之也一貫謂
所傳之語未嘗潤色六字又謂隨奉有 聖諭切責
不知切責之語果盡如先傳 聖意否惟其言而莫
之違非也實潤色而諱之亦非也潤色而故增之於
聖意之外尤非之非也乃猶云寂無所聞從部院抄
來始知又云至今不知聖意所指夫 聖諭一頒頃

刻喧傳百官萬民無人不知一貫猶如聾聵聖意
所指愚夫皆審一貫今猶不審則將焉用彼相爲實
出不知是爲木偶知爲不知是爲說謊佞人亂義一
貫之謂矣欺罔五十貫謂察事係部院職掌未嘗參
一語又謂於錢夢臯亦常議出之於外未嘗必留之
於此臣不知一貫向所嘗與議者爲何人夢臯果賢
者又何故議外出欲留之而但未嘗必也又不知當
其議時亦曾有部院諸臣在否也恐去留之義必不
泛與常人道矣質之未叅一語之說不大刺謬乎欺

罔本錢夢臯自謂以論楚事得罪借之以爲名然當
印處夢臯以年例者非戶部尙書趙世卿署吏部時
事耶當日出議單言楚王非假者非卽趙世卿耶夢
臯論楚事旣與世卿意合宜爲之左袒而何反處之
耶又何當日人言紛紛謂世卿以處夢臯遂奪吏部
之印也是夢臯得罪公論與楚事原無干涉一貫不
爲皇上明言乃謬謂擬票未嘗註定降留巧爲射
覆之計以倖于皇上及今事露喋喋曰御筆曰特
旨以自遮蓋而歸咎君父不忠孰甚焉欺罔七方壬

寅春礦稅已罷而旋復則罷者正 皇上本心而復
者非本心也當斯時一貫肯如梁儲之死不草詔計
聖意無弗轉圜者乃立視瘡痍再蹈湯火至今未已
誰不欲食一貫之肉反怏怏然獨歸咎 皇上曰凡
有血氣無不爲 皇上惜之曾不思作 皇上之股
肱心膂者何人而 皇上之泄泄誰成之也欺罔八
大可罪者方今無政不壞無一可緩乃其中又自有
緩急如郊廟朝講繁關皇躬礦稅逮係繁關人命尤
屬至急至急者一貫修省一疏前論急務不及郊廟

朝講未重起廢獨緩礦稅逮係是謂天地祖宗爲
可玩恭已問道爲可忽生靈塗炭爲可輕一貫一言
九鼎皇上所改容耆蔡之者今從臾若此乃知一
貫緘口數年畧不引手非不得言不敢言非不能言
不肯言也欺罔九夫一貫日以皇上之社稷僥倖
玩弄掌股間街談巷議無不唾指而一貫方燕雀處
堂不謂未必在今日則謂未必當吾身和公議不容
復圖一言塞責塗人耳目宰相啓沃有主不覺而人
不知者何故放倖小臣白簡從事暴彰君失明知前

有顯誤姑以待變而不爲戎首明知後有大難姑以弛担而不爲禍先罪不容誅矣欺罔十之數者皆一貫所自吐夫揚於大庭如此對之幽獨可知形之章疏如此見之施爲可知國家又安往而不爲一貫所敗壞耶且請數其大且重者開採征權絕天地之脉吸小民之髓皇上豈忍爲之惟一貫嘗主希恩利在承旨不肯贊成圖終之美皇上固不知也自壬寅及汴貂璫之虐益熾始猶礦者真礦俄而復派礦焉始猶稅者真稅俄而遂派稅焉始猶礦止於礦稅

止於稅俄而以礦稅之故多方酷取焉四海鼎沸山
海撼搖無不額蹙腹誹家怨人仇一貫實爲禍本是
損朝廷之元氣一誤國也宣降批答係否泰咽喉一
貫利在中格不肯一決藉叢之藪皇上固不知也
偶一留數留又或有留有不留推大僚不報建大議
不報卑官常事亦或有報有不報一推下累推下間
或發抄一未上之推疏迷督觀聽又終不下乃若內
使之奏牘武職之陞遷與近錢夢臯外傳被察兩蒙
特留則又朝上疏夕報可而若取諸寄也平章之地

一貫實司之非一貫爲之沉滯爲之愆愆而誰也是
竊威福之大柄二誤國也 皇上畏天敬祖講學勤
政豈憚勞者自一貫當國二至四孟軻委貳部三朝
日講動稱寒暑不聞一貫進一言蓋一貫方借順承
爲窺闕利在深宮不聞聲耳絕幽明之通啓怠荒之
漸納誨輔德能無虧與是廢朝廷之鉅典三誤國也
佐 皇上居重馭輕紀綱四方者非一貫耶乃今都
城內外猴冠虎翼千百爲羣揚幟鳴金毫不顧忌邇
且臨清戍州守兗州戍郡守三楚戍撫臣京師又以

子殺父報矣冠履創置臂指不攝輿論涣散尾解土
崩誰秉國成令至是也是頓朝廷之紀綱四誤國也
慎儉德懷永圖伊尹所爲相太甲也今司農不繼借
司罔開中不敷鬻官爵南內西苑北台之糜費瓊林
大盈進奉之無已彼已懸罄此方漏卮曾不聞一貫
一勸諷至耗億之極始曰國非其國豈數年來在睡
夢中耶是坐空朝廷之積貯五誤國也昔宋相司馬
狄人戒勿生邊釁宋冊榮之今宣雲五路要挾遠左
宰賽跳梁迤北察罕回測甘固火真時驚閩海紅番

爲難近倭僧又告講和擄掠矣倘狼烟蜂起鳴鏑長
城兵馬糧餉無一足恃握勝於廟堂者誰之責歟是
啓戎狄之睥睨六誤國也自古官不及私昵惟其能
不及惡德惟其賢未聞第念其少姑哀而留之以備
員者頃被察科道特以少留此何以勒青史垂來禩
且部堂不必補督撫道府不必補一貫獨不念其少
耶寥寥二三大臣進弗得進退弗得退如瞽目尙書
姚繼可亦懇至四十餘上未易得旨若執之而若狎
之者使羣臣大臣取輕君父誰實啓之至言官九年

咋舌躡京秩如拾芥行間一味鑽刺拜元戎若探囊
修葺陵碑近亦叙功而一貫且偃然首受陳永壽之
荐亦足羞矣是素朝廷之斥陟七誤國也帥長百僚
寅亮天工者非一貫耶皇上試詰一貫今在廷諸
臣不厭事怠事廢事假公濟私者有幾不趨時附勢
俛仰徘徊畏首畏尾者有幾不星馳電奔如蠅聚羶
蛆吮臭者有幾非其人之果無良也惟一貫不勝其
患失之念故上行下效漸染成風悠悠漠漠罔念公
家耳是蠱士夫之心術八誤國也諫臣朝廷耳目也

皇上何常厭棄不用併廢行取哉自一貫當國台省如落落晨星戊戌行取候旨三年始得報至今遂爲絕盛不可復得頃乃力主量移中行推知之卓犖者添註部寺而併廢行取之名矣雖急於起舊而其實不然今有行取數年尙未考選者有考選已定不得授官者有病痊者散館者鱗集闕下一貫不爲推轂乃欲遠求之田野之間千萬里之外是誠何心蓋懼見在者之異已而故爲消磨利困頓者之便已而故爲汲引庶幾網羅收拾盡出其門才緩豺狼之問累

朝作養之人才大半爲一貫齟齬挫抑老且死國家
曾不得收其半分之用可爲流涕是壅朝廷之耳目
九誤國也燮理陰陽一貫實尸之今時日稍遠與怪
異未甚者姑無論按邸報自兩宮三殿回祿後黃河
瀉帝泰華刻礪大同地震山東地震八閩全省地震
如雷如鼓且傾城敗屋飛古塔墮天火種種駭人見
聞陽日月食晝幾成夜連年兩見又都城壞陵橋壞
畿輔淫潦冰雹幾無虛歲景物蕭條有若竹隕木脫
慘淡而爲秋堂廉否隔又若天升地降閉塞而成冬

如太廟樹木長陵碑樓園丘望杆又見告矣此皆亘古未有奇變俱當一貫之身是釀異常之天譴十誤國也大率小人禍國始於微成於著今已敗壞如此異日尚忍言哉一貫不思爲社稷計而今日少傅明日中極子若孫今日尚寶明日中書一身之富貴日極皇家之社稷日壞問國之亂萌朝之疵政則曰今日之事君爲政我不知也九重萬里余何能爲也不然則曰吾謀不用也又不然則曰吾逆知其無補曷若從容以圖侯之將來也同妾婦之順從效閹寺之

曲謹笑罵由人好官自我真仲尼所謂鄙夫孟軻所
謂民賊曾子所謂妨賢廢國不可一日在位者乃猶
欲附於不能者曲之義觀望以全身名使議其後者
但求多於 皇上亦人何奸佞一至此耶臣謂一貫
一日不去則 皇上善道一日不得聞善政一日不
得舉天地 祖宗震怒一日不得霽億兆生靈一日
不得貼席邇者臣南郊雷火正當一貫奏辨勅諭頒
行夫豈偶然或者天厭其奸特啓 皇衷定猶豫乎
海龍安應在此為舉伏願 皇上慨發明旨使天下

曉然知數年行政之非皆爲一貫所悞改弦易轍一
洗宿弊與海內更始則國是立定昇平立覩百異消
滅矣抑臣猶有說焉賢不肖所時有他官固有不肖
翰林豈必皆賢然而優游魚貫坐取相位年來只此
一途賢則爲旦爲尹不肖則爲檜爲杞他官之賢不
肖關係在一事翰林之賢不肖關係在蒼生在社稷奈
之何循資以遷而不亦慎擇耶一貫者蓋曩時以不
肖而授官翰林循次叙遷以至今官欺罔成習遂誤
君誤國不顧也論相之道可弗講歟我大皇上倘

併垂採納蒼生幸甚社稷幸甚

權奸可畏忠直當原懇乞聖斷以杜亂機疏

朱吾弼

南京浙江道御史
萬曆三十三年七月

臣博攷古今歷鏡治亂惟君子進小人退則治而君子常難進易退惟小人進君子退則亂而小人常易進難退故闢衆正之途塞羣枉之路一無所私相道也去邪以懲奸獎直以勸忠一無所假君道也反是則未有不滋議釀亂者臣大有慨於時事方將具元輔招權邪臣怙勢漸不可長一疏叅論閣臣沈一貫及南北拾遺大臣蕭大亨王基等被察外推科臣錢

夢臯鍾兆丰等日以兼冗病軀未皇脫稿忽接邸報
見候補郎中劉元珍一本宏議謫論已先得臣心一
貫且有辯章 皇上既傳聖諭以元珍誹謗元輔蔓
及言官令內閣看詳重加懲治矣臣不勝驚愕言終
難已夫考察何典可以權使可以奸逃竟任小人紊
舊章而為厲階耶則一貫明明招權當責以省愆圖
報夢臯明明祐勢當亟斥罷斥示懲元珍明明忠直
當加之旌異超用者今仰誦 聖諭反右權奸而左
忠直豈 皇上姑為是存大臣之體乎抑未灼見彼

爲權奸此爲忠直乎。臣不得不據所聞見直數于
皇上之前爲邪奸折之。彼夢臯之當幽黜部院同聲
科道同聲兩京大小臣工無不同聲比來喧傳一貫
力爲私援曾浼戶部尙書趙世卿言之部院且云處
夢臯卽處我世卿不能阿承婉辭爲答已耳至票擬
大犯公評之兵部尙書蕭大亨主筆而忌清正方嚴
之吏部侍郎楊時喬非。皇上神明獨斷今歲之顛
倒是非淆亂賢邪不知作何景象此又見于邸報昭
昭者一貫之心公乎私乎。皇上留用被察科道聖

諭有洩忿結黨豎權並威之切責非不堂堂正正而羣情不以爲快轉以爲駭或者多疑一貫陽施陰設內交近侍故皇主深居密勿第聞一貫所獨是非不聞天下所共是非皇上愛惜人才何得不疑臣下誰不捧聖諭而泣下僉曰有君如此奚忍負之一貫誠秉公無私隆古之吁咈英朝之匡救豈其一一以紆順爲泰交耶孟軻曰責難於君謂之恭陳善閉邪謂之敬吾君不能謂之賊一貫讀其書以梯榮寵得君專行政久平旦夜氣清明內省反照恭耶敬耶

賊耶良心必有不能自昧自欺者不然考察大典理
亂攸關平章機務于此漫不可否復安所置可否乎
如部院之考察科道之拾遺果某官私庇某官而漏
網某官私仇某官而羅織何妨明目張膽會同次輔
三輔集九卿科道衆議分別請於皇上指其人正
其罪以爲徇私害公者戒豈非萬代瞻仰一盛舉哉
智不出此直護夢臯輩私人橫分町畦雄逞戈矛恣
行胸臆仇讐善類若拾遺大臣之必不可容者被察
科道之必不可全者外推各衙門之必不可已與南

京部堂之自陳庶僚之察處必不可不奉旨者濡滯將半年未聞其引爲相道之虧疾首刺心懇乞于

皇上非不沿襲故套有疏有揭傳播中外而中外於傳播疏揭中覩其悠悠之談業盡窺其肺腸今乃曰嘗言皇上每有格外舉動則

臣

等先受無端之疑

等語是何過則歸君善則歸已耶

臣

不敢遽謂其擅

權而招權之漸固履霜時矣昔齊威王以譽言日至

爲善事左右而烹阿大夫以毀言日至爲不善事左

右而封卽墨大夫齊國于是大治

臣

願

皇上兼聽

竝觀耳目寄之科道毀譽絕于左右念京察爲祖
宗二百餘年礪世磨鈍之典合公論于下持宸斷于
上臣謂部臣身在事外如尚書趙世卿侍郎李廷機
皇上所素信者試一召問二臣必不敢枉是非冒欺
罔之罪自喪其生平質以諸臣所議當否然後沛發
明旨一一處分恩威出自朝廷中有才可惜情可原
者曉然與天下共留之其餘蒙垢已甚飾過不悛者
凜然與天下共棄之不使戀羶營窟之夫覲顏竊位
壞計典自今日始而他年任事者免于憂讒畏禍遂

以今日爲口實貽國家無窮之害正 皇上大有爲
作用中外喁喁旦暮引領者元輔一貫荷魚水之懽
慶風雲之會當如元珍所云撒肺膈之藩籬除門墻
之荆棘協恭和衷閉閣思過以矢報効毋懷忿悁稱
疾言去仰負特恩失之東隅收之桑榆可也前此未
能以道事君偶因人言託之不可則止孔子所謂大
臣或不其然 臣于一貫有厚望焉元珍志希聖賢心
懷忠孝不染一塵不憚諸艱當大任決大疑國家必
不可無此等人伏乞 皇上嘉其忠直 特賜優擢

以作敢言之氣裨正士有所恃而無恐權奸有所懾而潛消國是弗淆一貫之心跡自是可白則元珍之功在宗社生靈卽于一貫殊非小補矣臣庸戇無當鞭策難前六載兼三差不得代七年踰再考不得行在在積案勉強支吾廢弛日多衰病日增度非致身無以報 皇上故不避忌諱布其朴忠倘獲以尸素負罪之身僅從夢臯等一體罷斥少清仕路仰全

祖制俯謝輔臣此

臣

大幸大慶者萬一言出禍隨自

古有死無信不立他復何惜

臣

雖從龍逢比干于地

財金

發財

九二八

下又豈不大幸大慶也哉

軍政漏網神奸乞賜顯斥以肅禁旅疏

宋

熹

浙江道監察御史萬曆三十四年正月

臣頃拜命在下之時正值武弁受計之會側聞其中險恣貪饕尤爲無良者則錦衣之長王之禎其人也聖明在上公論在廷僅從幽斥卽爲倖矣已而自陳見留糾拾不及臣竊誅之豈奸猾之狀已犯公評而螫噬之毒頓鈐白簡也哉臣雖不肖竊抱逐鳥雀之微忠而負舍豺狼之深耻謹按之禎罪狀爲皇上畧陳之自提督西司房未奉明旨卽私自帶管東

司房十年權勢一味狼貪高文舉爲其心腹王一鵬
爲其爪牙袁長班程管家爲喉舌肺腑豺虎縱橫弁
髦法紀吸人腦髓剝人膏脂大膽欺君驕恣不道其
昭然在人耳目者如洪仁橋稅每年抽銀不下萬兩
之禎止報五百兩餘皆入己皆程管家爲之交收該
衛額有修工銀兩之禎盡入私橐及大雨倒塌乃闔
衛富校三等坊派得銀萬餘兩入己却撥衛中窮校
工作不給一文怨聲動地皆袁長班爲之撥置義男
王春因其妻有恣色也以聚賭而啓衆揭開之禎賊

穢多端事泄輒誣以盜情殺之滅口搜春家得大員
珠十八顆睛綠寶石三兩赤金二百餘兩銀六千餘
兩珠石首飾一匣段疋九箱服同多人收入私室夫
一僕之賊私若此而爲主者又可知矣王一鵬係上
海縣王倫乃刺臂之竊盜也被失主顧中書捕獲問
發京口驛充徒潛逃入京卽以盜賊餽獻納爲幕賓
騙詐被害周回于等百十餘家金珠無筭與之禎三
七均分夫明知其盜猶若此而其他亡賴架勢吞人
者又不知幾多矣更有可駭者罷礦調稅一皇上之

聖政也。叅隨人等因懷畏懼，競將多金珍異投入之。
禎准冒小旗總旗懸牌管事。如康應元、張國紀、詹國
銳、康光先、馬上棟、吳清、賈昇初、加科、李元、崔進、徐浦
楊、清徐如才、徐進班班在旗校之列。其他百十爲羣，
不可枚舉。何其敢於抗違皇上之德意而躬爲逋逃
之淵藪。若是見金而不見人，猶可言也。見金而不見
皇上矣。帝無將而已。耶以故朝野之人莫不切齒之。
禎而又禁不敢言者。緣之禎結納最工，排陷素熟。凶
狠異常，奸狡莫比。睥睨無忌，不惜死力，重賄以掃門。

而逞狐假之威睚眦畧形不難射影含沙以下石而
駕無端之禍森森藏笑裡之刃密密排腹中之劒以
是人多疑之畏之若臣稟氣拙愚獨抱觸邪之性不
顧反噬之虞寧陷凶禍而不忍見奸惡如之頑者橫
被繫玉於皇上之側也叅照錦衣衛掌衛事太子
少保左都督王芝禎虎翼擇人蝸涎升壁慾填深壑
直殫萬斛脂膏雄騁危機那管一家血肉盜賊引同
簪笏寧知仲叔繁纓僮奴家累金珠共詫石崇火浣
富緣貴溢玆奇萃山海之華酷與貪因囊橐慘桁楊

之色納叛亡而抗違德意曾知天目高臨假威福而
恫喝虛聲只謂冰山永恃此一臣者業鏡叢照歆器
久盈雖軍政偶逃而輿論大沸斷斷乎不容於堯舜
之世者也伏乞勅下部院查果臣言不謬伏議上
請將王之禎亟行褫斥其黨惡多人酌量輕重以示
創懲庶環衛一清而天下咸服矣

時事日壞奸輔希留謹列亂政誤國之狀疏

陳嘉訓

南京吏科給事中
萬曆三十四年六月

臣惟輔弼之臣忠清爲政上者委身殉國輔佐太平
美歸于君而不自有其功次則隨事效規潔廉自守
爾若夫誤國之臣一日庸一日奸庸者固寵戀位隨
人笑罵其術淺奸者陰竊威福混亂朝政禍歸國家
利歸私室其機深是不可以無辨者 皇上聰明神
聖留神萬機真大有為之君不世出之主乃二十年
來故相趙志臬則知庸誤至於老死而不去及元輔

沈一貫用事其貪險既遠出臣事之上至于被論竊
恐平日畢露伏欲踵志臣之舊態希圖不去臣竊賭
皇上天縱聰明亦知一貫之決非正人矣然或此外
貌默默畧似謹慎至其納賄亂政之狀又未有以聞
者臣請得而陳之科道耳目之官也自古亂人國者
必先杜絕一時之耳目然後無所忌憚而後行其私
舊有年例蓋使科道有激勸大臣不市恩此祖宗
密意而一貫欲箝言者之口且塞後來之路凡科道
考滿盡陞京堂志在竊嘆以爲機械一投豈知有國

之利害哉古云大臣持祿養交小臣畏罪不言亂之階也一貫自歎來有一不肖之言官密謀坐畫自甘入幕之賓有三三無耻之大臣奔走承順畧同頤指之奴隸臣在長安聞之里巷輿儻之卒無不背指而口罵者一貫恃此羽翼肆然無忌受賄亂常無所不至若文武大吏舉自會推奉 旨點用 皇上必不信以爲有所私也而彼正欲借此名目許之以爲功後因之以責償如薊遼總督蹇達昔以論列胡然洊起則萬金之餽自川江以達鄰縣通之者舊寧波推

官張似渠也播州之役楊應龍家財積蓄人人所知以封爵鈎取陳璘致其載送後以科道言事叅論不遂不勝其怨恨合謀者伊同鄉都御史江鐸也幸則爲總兵孟宗文五千之金入而鵠印腰懸不幸則爲侍郎賈應元五千之謀未終而鵠亭夜哭最可恨者一貫故語人曰我今日揭請罷稅明日揭請罷稅持若正收名若美而玉惟忠四十萬之贓何以全隱乎京中閔傳謂得惟忠五萬程守訓三萬何狼籍也利其邊疆則取之邊疆叅遊數百兩總兵數千兩尙書

蕭大亨原任尙書田樂皆其分贓之人利在督撫卽
取之督撫雲南巡撫陳用賓兩廣總督戴燿兩經考
察畧不動搖則其奧援之力叙功陞廕則金紫滿廷
失事傷損則匿不叙報毋論其門如市其欲如壑卽
寵僕李四家累十萬京師號之曰二貫門謂其與蛟
門爲敵而無耻通喪又不足言矣總之數年以來政
尙因循人亡鑽刺貪饕黷貨者尊榮執法操持者見
擯今以太倉之粟僅支二年以老庫之儲僅餘八萬
廢婦旣老狼子生心軍士脫巾束手無策語曰天之

方厥無然泄泄此其時矣故政本一不清而爲濁然其清濁之辨在百司則易發在政府則難發何者百司之勢輕而彼獨重百司之地遠而彼獨親親則視聽易工彌縫易巧重則氣焰易張毒螫易肆彼惟有皇上之明威可畏面彈之制驟未可伏矣惟有四海之難掩而草茅之論隔不得通矣又何所憚而伏乞皇上大奮乾剛將前後諸臣所論原盡數檢閱博採公論亟行罷斥卽罷臣錮心矣實見天下岌岌之勢不容再裂輔臣

欺蔽反伏之狀難以理度謹據所聞懇塵 聖覽
不勝激切待 命之至

直發古今第一權奸疏

鄭振先

禮部儀制司主事
萬曆三十六年四月

臣觀自古國家以人而興以人而亂亂國之人不同而莫甚於專權之宰相專權之宰相不同而莫甚於李林甫盧杞秦檜數人然至今日之輔臣更笑前人之拙矣何以明之蓋前人所謂專權者大抵挾其剛狠黠賊之才乘主昏闇庸弱或迎之以所喜或劫之以所畏使其惟吾欲爲於是明以威福操縱鼓讐衆庶附我者必庸背我者必死其術止此矣當其時所

以欺蔽其主之故人得而知之也所以牢籠天下之
故人得而知之也其心雖毒其機則顯其氛雖熾其
用則麤豈若今日輔臣以避權而擅權以擅權爲無
權屈曲迂互層層玲瓏層層幽秘朝野疑而不可知
知而不可言嗚呼極矣故外庭似與內庭隔而其實
淵微之精神靡不得者諸司似與政府隔而其實人
政之喫緊靡不操者以獨斷歸於上而十躲九閃盡
在獨斷之中以無事藏其身而千端萬緒悉釀無事
之內謂其因人而入而逕實不一甘人謂其伺便而

出而詭變不一其便盖用柔居後之巧全本之老子而多方誤人之法雜出於陰符故盜大柄於皇上天縱神明之手而形迹狀貌及類絕無氣焰奄奄可憐者此自沈一貫創開從來奸相未有之竅至於今日愈出愈奇所以林甫輩之猶拙也權奸至此一切賊私污穢尙屬纖細臣不暇言謹條其大罪十有二焉臣聞忠臣事君如子事父善則稱君過則歸己今朱賡等當國每與朝臣論及時政輒低眉蹙額曰某事吾以去就爭之不得某事吾以死生爭之不得就

使聖意果難轉圜猶宜委曲以全君父況已未嘗爭皇上未嘗不從已實爲之反誣皇上乎其意直欲天下萬姓一口怨上而翹然冒愛君憂國謹慎勤苦之名其無天理人心極矣大罪一也皇上宮中喜怒豈外庭所宜知乃賡等時時告人曰今日皇上怒某人明日皇上怒某人去年南道御史李雲鵠疏至賡向廷臣言皇上欲處李御史親筆出旨我適救之皇上擲筆於地而寢此何等語輔臣可出於口其意只駕空說皇上專惡言官箝之令

不敢議已又近來閣中奏揭未審一一果進御覽
與否而無不發抄傳示徒自彰其遇事力諍而四播
皇上拒善之聲於天下大罪二也自皇太子冊立
皇孫誕生皇上父子祖孫慈孝藹然中外近年
皇太子不出講讀工部主事范汝梓一疏頗言其故
汝梓係輔臣同鄉豈無所據賡等特語及之輒曰
皇上自有嫌疑臣在禮曹聞之髮豎夫皇上天性
至愛皇太子盛年勤學而輔臣包藏禍心於其間
大罪三也東廠并調事人役自祖宗設之所以察

非常、非以察朝紳也。乃輔臣每言：皇上日蹙東廠、記事人若干在外偵探、皇上明照萬里、豈假此輩爲耳目、總之有可影似之處。輔臣卽以嚇人、無可質對之地。輔臣卽以誣上、大罪四也。吏部冢宰百官之首、自李戴去後、累年不補。南北大僚冀得之者、輔臣皆許以推薦、以故兵刑錢穀俱廢、至有妄殺邀功而不顧者。蓋懸冢宰以餌衆心、而人效其力、借冢宰以收衆力、而終懸爲餌。輔臣之利大矣。如國家之害何。當今賢否失序、銓政乖方、盡由於此。大罪五也。巡撫

典疆場兵馬之寄戰守失事 祖宗之法極重嘉靖
二十九年虜犯大同械總督郭宗臯巡撫陳耀謫戍
虜犯薊州又械都御史王儀王汝孝謫戍三十三年
虜入大同械總督蘇祐都御史齊宗道削籍三十九
年虜犯右衛械總督楊順御史路楷削籍四十三年
虜犯薊州械總督楊選斬於都市 皇祖威令行於
天下莫不震攝者以此 皇上萬曆二十一年亦曾
械寧夏總督魏學曾削籍所以將士用命能平劉哮
之變今陳用賓撫雲南十六年戴耀撫兩廣十年一

遇小醜便至喪師失地賡等以賄賂之多鄉親之好
票本止於奪俸且密許以飾功冒賞矣臣細閱用賓
報功疏其言進兵戰勝皆正月初十日以前而奏至
在三月二十八日滇去京師雖遠平時差使一月可
達軍機捷何友遲滯羣議譁然云用賓因詣藩裕
等敗死畏罪輦金寶數萬來京打點潛住多時輔
臣入其珍好許以輕票始敢上疏殆非誣矣且用賓
初報阿克之衆不過數千今斬首四千四百級俘獲
寶器百餘人零星擒馘者不與尚未知阿是鄭舉

下落武定府印何在明是殺良民以希功賞非輔臣
爲之主而敢然乎大罪六也從古權臣媚嫉亦止惡
其害也忌其形也者其未嘗一槩擯棄之故雖否塞
之世尚有賢者在位自公貫賡等執政由山林以及
在別臺諫以及諸司大僚以及庶員華近以及疎逃
無不人人禁錮人人淹苦或忌在此而別有所借以
疑衆或惡其人而并有所逐以示公舉國空虛一旦
有事將誰仗哉夫罪也也廉耻士人之隄防謹守之
猶懼其或潰也乃輔臣以一切頑鈍無耻之法掃之

引疾者候以條出被劾者競辯競進考察至於一黜
再黜視事自如親死推至兩年三年奪情何故臺省
風紀之任也欽留小印豈不醜於斜封巡撫保釐之
秩也候代多年誰不偷於視蔭由此大臣不法小臣
不廉貪污狼籍之人刀筆狡黠之吏遭一時缺官之
會莫不兼并攘奪行同盜賊風俗敗壞府庫空耗輔
臣但欲舊官不去新官不補造成頑鈍世界而已亦
頑鈍於其間大罪人也古之權奸固寵肆毒止於一
身身去則已今之輔臣乃有過去未來見在三身沈

一貫在位。至錫爵爲過去。至一貫爲見在。朱賡爲未來。一貫去位。則朱賡爲見在。季廷機爲未來。今賡與廷機皆爲見在矣。王錫爵又以過去爲未來。其他未來者。姑勿叱其姓名。大抵心行迹象之相似。人地根蒂之相盤。決非賡與廷機不相合者也。如此燈燈相續。薪薪無窮。而國從之矣。大罪九也。從古雖極濁之世。小人亦可縷指。未有如今日邪媚之多者。何也。蓋輔臣操縱機括。全在一二司臧否黜陟緊要衙門。其人亦莫不有過去未來見在三身布置接受。其他無不

從風而靡。雖陞遷各有資序。而迂回遲速之間。無不如意。所以彼此相牽。前後相固。或鄉曲暱厚。或賄賂交結。或出於其門。或宦於其里。聚蟻盈除。飛鷹當路。密授衣鉢。顯露封章。不曰聖意不測。則曰聖意難回。不曰輔臣無與。則曰輔臣無損。訛訛滄滄。無非輔臣之私人而。皇上孤立。免大罪十也。今之稅監皆庸愚人。其爲謀主爪牙。則山陰會稽之積猾也。其人皆不容於有司。來投賸子。敬循敬循。皆收而庇之。今盡爲賸之家人。散在各處。稅監不知其幾千矣。去年浙

江巡按御史坐名至賡宅內挈去首惡六人長安中
所共知者。皇上所差內使不過數十人所得猶少
賡之家人所得何可勝筭今紹興良田美宅盡是賡
有而意猶不饜則皇上雖欲罷稅得乎大罪十一
也建夷本金之裔其酋治國練兵之法兼吞海西之
謀似非元昊以下人也李廷機在部密遣序班李維
葵往與私講不奉朝命擅自通夷昔宋庠請斬范仲
淹以其爲書戒諭元昊也廷機安得視爲兒戲乎建
酋不貢一年卽彼無他志在我何可不備況遼東敝

極矣八十歲之總兵疲庸跛蹶之巡撫豈可以待敵者乎及今詰戎兵料芻粟治城堡易將吏猶以爲晚何廷機之默默也旣已開釁於始又不思禦患於今以致海內洶洶而輔臣尚欲諱言乎大罪十二也臣愚於賡原無嫌隙至與廷機且有堂屬弟子之情豈忍斥言其過但國事至此理亂安危決於今日大義滅親遑恤其他昔廷機初相人皆訾其瑣屑偏狃臣猶私與之辯謂不害爲清公任事之臣自逐姜士昌宋燾而士論鼎沸矣自行所無事一言而瑣屑偏狃

之故步亦失之矣。若復入手太深，恐清公之名亦難終保。且簡用之旨，實自科道薦疏批出。昔范仲淹叅知政事之命，歐陽修曾薦之。仲淹曰：「執政可由諫官得乎？」固辭不拜。夫以歐陽修薦之而不拜，廷機試一自忖，始進之非可悟矣。及早毅然抽身，猶可救得一半。不至如賡狼狽，此臣所以忠於廷機者也。若賡則騎虎難下，勢決不去。只有不補言官一法，可以遮掩歲月。意人皆愛官愛身，無敢言者。故臣冒死言之。以見亂賊人人可誅，不必言官也。且方今懷忠抱義之

人臣得爲之前茅茹死不朽矣冒觸大奸自甘鼎鑊

不勝激切待

之至

大寃未剖盡言披陳以明奸賊弄權以紓人心
積憤疏

史學遷

雲南道監察御史
萬曆二十六年

數年以來綱陵組夷風移俗易官失其常民失其業
喪城喪印棄地棄師智橫夷惡河梗災生物怪人妖
事事可憂處處醜陋而其近者則江湖之泛濫天鼓
之歟鳴占者皆謂人不得其平則天代鳴而失刑之
沴則陽候煽怒馮夷見災臣愚不曉天鳴止知人事
則今日所稱不平之甚者孰有過於楚事妖書耶而

今所稱失刑失政之極者亦孰有過於楚事妖書耶
故輔朱賡臨死一疏惓惓以楚事妖書爲辯蓋其一
生病痛全在於此身家禍根全在於此故不勝其憂
思苦楚而諸臣之于恭萬彈俱不關念獨於此一事
爲之諄諄也夫楚事方殷臣在都中楚獄已結臣入
楚中故楚事妖書之顛末臣耳聞目見爲最真最切
者今其真假之說臣何知亦何敢論此已奉明旨
亦自有高皇帝在天之靈在也惟是皇上深居
靜攝不與外庭相接見而外庭之議論舉動多不能

達之。皇上閣臣沈一貫輩身居中局內外機關皆在其掌握扼塞行取之一途朝廷旣苦無耳無目而養內外之私人中外遂任其頽弄翻騰天下知有一貫輩不復知有皇上。皇上亦止聽信一貫輩而不復知天下有別情也。近奉聖旨謂楚事妖書皆朕親裁處斷願裁誠聖裁矣而奸賊之朦朧欺蔽千態萬狀我皇上不得而知則處斷所不及也。何以言之。楚託方輿而萬萬金錢遂入都中沈一貫受黃金十千兩銀一萬兩朱廣一萬兩內若司禮監

田義東、嚴陳矩輩外，若通政沈子木、科臣錢夢臯輩，多者一二萬，少者三四千，卽號爲一時之賢者，亦入其賄而不敢自爲異同。下至散歌謠、走線索之厮役，下卒亦不下數百金。當日餽遺之單，目可証也。過送之姓名可問也。此特初時入京者言之耳。而後來之二次、三四次，不在此數也。此等奸貪，此等隱情。皇上知之否乎？重賄旣入，主張遂定。有三十年無假之倡端，有詬辱飾辯之附和，有公論國法之死力。若張似渠、若姚文蔚、若卽巡、若司捕，或運籌幕中，或張羅

通衢隱匿發覺賊私之郭正域又波及同心同德之沈鯉中外搔手閉目大家如坐陷井此等隱情此等機械皇上知之否衆毒心已逞不殺不休妖書之示不先不後此與昔日張位戴士衡憂危竝議之書欲殺張養蒙魏允貞諸人之手段何異乎卽震驚我君然而不顧危疑我東宮而不顧自是密尾楊村之艇擒拿幾盡兵環次輔之宅冰洩不通無干若干王直若田太年若王士騏若郭正域纍纍皆逐無知若長班若醫坐若僕隸若奶口若書識各各加刑是

時正域之命懸于絲毫沈鯉之危濱在旦夕若非御史沈裕危言震撼極力諷諭當時不知作何景象也此等奸惡此等毒手。皇上知之否乎撫按趙可懷輩始末常不具悉楚情而後漸變更也則一貫之授意已定故諸宗之冤抑不伸春初搜擷止獲可懷一紙而秋中漢陽之搜截又至矣邀損搜書遂有乘機搶財者而槩誣之曰劫貢手足扭橈號令。而標題之曰逆賊常人猶不堪刑何有于諸宗故推排踐踏逼殞撫臣之命矣夫進貢有時何爲二年數次難

怪羣宗之疑也。官受其賂，何爲扯誣君父？故激聖
上之怒也。誣主躬以卸已罪，藉天威以快私恨。此等
隱情，此等奸惡，固皇上知之否乎？變起有自，而以反
叛聞事，須有實，而以朦朧奏。諸宗束手待縛，而以用
謀用兵言。畢竟殺死一家四命者爲誰氏？則城外之
一塊朽骨難憑也。張掛榜文者爲誰手？則蕭牆內之
一片紙而蕭尹劉之友間難信也。搶奪人財者爲誰家
而凌辱護衛助惡之人與濁渚之百姓無與也。劫倉
借庫者竟若干？奸婦汚女者竟若干？粧成古今之異

變調動三省之兵馬事竟烏有前後矛盾則赴回真
奏湊合大獄當時有一左布政薛三才而不然其事
終于告病有一推官胡加棟而不平其獄麾之他出
臣待罪茶馬之日薛三才之原稟可証也此等隱情
此等冤枉皇上知之否乎殺死撫臣自相應得之
罪應抵之人而濫列三等則撫按奉承閣臣之教也
二等嫌輕拔之前列則一貫獨作之威也宗室有罪
止令自盡例不加刑而今日身首異處則祖訓之
變也殺死者六發閑者二十三調遠者二十二則從

來未有之刑也。周應治挑難以邀功，陳鳴華居功以應夢。若梁雲龍胡心得真，惟閣臣之教是聽，是從而牽合附會，不能強司李之必從，惟請行刑不虞來杜守備之唾罵也。行刑之時，承天地震數，自有聲行人皆仆。當時撫按曾敢有一言相報否？此等冤情，此等隱惡。皇上知之否乎？諸宗已殺楚事已定，而附已不賞，何以報德？異已不除，終有禍患。則錢夢臯之年例可以不轉京察之私人，可以盡留援引羣小，則溫純因是而被逐，保全夢臯，則林秉漢無故而得罪。機

關入內則沈鯉得罪而同行至捏合宋地有變之奏
飛入西山看山之謠而疑宰相又幾罹莫須有之禍
矣此等機局此等作用皇上知之否乎老賊雖去
衣鉢有人彌縫已往之穢迹布置將來之作用二三
爪牙入幕運籌乘間伺發廣布無根之流言漫騰惑
聽之蜚語謂某人之言爲某出力某人之事爲某事
作地宵小終欲得志猶恐中晦此等手段此等隱情
皇上知之否乎二十年間閣臣之權最重至沈一貫
而益重一貫之惡最著至茲一事而益著內布爪牙

外列腹心有發端之奸臣有迎合之撫按有挾死爲敵之臺省有邀功冒賞之司道內外一線大家湊合故今日齏粉夢臯諸奸之肉不足以謝神人之怒而惟斬奸賊沈一貫之頸庶不爲聖明之累彼其可

死之罪擢髮難數而其大者搥亂國本危疑君父

者可死背違祖訓大戮宗人者可死援庇私人廢

歷朝之令甲、篋京察之大典者可死且其家貲千萬父子忿爭浙中之人無不掩鼻而笑交口而罵其視歸德之薄田數頃、江夏之敝屋數椽何啻天淵哉今

一貫投閑已久朱賡捐館方新似可以不言獨中外之茹冤飲恨無過于此事忠良之荼毒羣小之橫逆無過于此事諸臣亦有明言暗說者猶未盡剖其事情則奸賊之惡何日著明人心之怨何日舒暢湮滅之公道何日昭著而皇上之親裁處斷者尚未盡悉其情實是以不得已于言也

權奸漏網疏

劉策

四川道監察御史萬曆四十一年六月十八日

自楚宗相構大獄斯起死者含冤於地下生者幽囚於圜扉已數載於茲矣年來忠臣義士叩

聞請

命之疏幾滿公車而不意天啓宸衷遂於薛三才

本內批有部院看了來說之旨大哉王言此何

異覆盆之瞻白日湯禽之假羽毛乎一時大小臣工無不手額稱慶以爲英媛等數年之禁錮生還可期連鈐等太宗之沉寃昭雪有日此亦千載之一時已

然而生者生矣死者尚可生乎生者之苦猶可控也
死者之冤將誰償乎當其時誰爲賄遺而傾此一派
之天潢誰利多金而構此千古之冤獄誰承權相
之風旨而甘心屠戮誰爲撫按之指授而快意羅織
此皆天地之所不容神人之所共憤又安可置而不
問也臣請爲皇上一一言之當楚宗訐奏假王之
際適值沈一貫氣焰熏灼之時王以一貫爲護身而
一貫亦以假王爲奇貨自萬金之賄已入而一網之
計益工始以勘議付之趙可懷而諸宗之計窮旣以

滅口付之梁雲龍而謀反之獄具矣總之不殺楚宗則無以報假王之多金而不坐謀反則無以爲株連之名目是諸宗之死雖死于假王而實死于沈一貫之手也況一貫以千人所指之身老而不死意者諸宗得請於上帝欲明正典刑以爲奸臣賊子之戒乎臣以爲一貫者所當首論以服上刑者也然一貫雖有殺諸宗之心使當時無望風承旨之撫按則奸相之計亦有所不行而梁雲龍等當先獻媚粧成密諸布置之虛情以爲豎旗揭榜之實證令無知諸宗

駢首就戮是誰之過與臣以爲撫按雖死猶當追論者也然撫按雖有阿權相之心使當時有仗義執言之府道則殺戮之慘亦不至太甚而陳鳴華等巧於迎合以誣鉗吉綱之術爲乞憐固寵之計卽間有移文稱寬者終亦坐視其死又何異于五十步而笑百步乎臣以爲諸臣見在所當併論者也乃悠悠數年卒無敢爲皇上請正者豈真爲假王之局難結而置諸奸手不問乎良以四明雖去黨與猶存每聞言及一貫則不啻如呼父之名而手足之捍頭目沈楚

獄一事尤關奸相門戶四明旣已伏辜餘黨不言自見則安得不陰謀併力以掣當事之肘乎即使明正憲典而前後左右又多奸相之私人利楚王之厚賄者正恐如韓敬之關節代事之改正罪案雖定終屬不了之局耳此臣尤慮任事之難而歸結之不易也伏乞 皇上大奮 乾剛卽將楚宗釋放沈一貫正法其餘分別輕重併 賜處分以爲黨附權奸者之戒仍乞 嚴諭當事大臣一意擔當毋念狐兔之誼而使網漏吞舟毋蹈首尾之畏而令銜弛泛駕庶

國法可伸而公憤庶幾其少雪乎臣無任悚息待
命之至